

१३९

दर्ता नं.: ४८/२०७६/७७

पुखां दयक तकागु सम्पति, भीगु कला व संस्कृति  
पिकाक-भक्तपुर नगरपालिका



पुखां दयक तकागु सम्पति, भीगु कला व संस्कृति

# ब्रह्मतामा

नेपाल संवत् ११४४ चौलाथ २०८१ बैशाख १ / 2024 Apr. / न्या: १०५, दाँ:६



लोकं हवागु बिस्का जात्रा  
(न्हूँ वर्ष २०८१) या मिन्तुना

## मेलन्धी खानेपानीया विषयसं बैठक

(२०८० ईत्र २२ गते)



## बिस्का जात्रा बांलाक हानयता जूणु सद्भाव न्याली

(२०८० ईत्र २७ गते)



; DkfbSlo

@)\*!jZfV!, C^\\$!#!, jif{^

## २०८१ सालया मिन्तुना

भिंगु, मधिंगु अनुभवत त्वःत २०८० साल नेपःमि पिन्ता त्वत वान। थाँ स्वयो दाच्छिहाँ न्हुँगु दँ द्वहँ वबलय् नेपःमि पिसं वांगु दायँ ज्गु मचः मगा: मभिंत ल्हवडः जीवन अःपुक न्हयाक्य् फैगु, आशा यागु खः।

सरकारय् वांपु राजनैतिक दलं जनताया इच्छाकाथं ज्या याय् मफः। न्हयाथ्य् याडः जूसां सरकारय् प्यासीये प्यपुडः च्वनय्गु, पद्य च्वडः च्वनय्गु, थःगु जक भिं स्वयगु ज्या याडः च्वना। शासक दलतय्सं सिद्धान्त व विचः त्वःतः छ्वत। न्हयगु काथं जूसां सत्ताय् लिधाडः च्वनय्ता अनैतिक पःखः हाचां गायो जुला। हिस्वलाख्य् स्वकः संघीय सरकार ह्यूगु, प्रदेशय् डाक तक सरकार ह्यूसेलिं जनताया मनय् संघीय व्यवस्था हे मज्यूगु धाय्गु मति वान। भन् गुण्डा जक नां जःम्हा मनू हे डाक-डाक मन्त्री जूगु बुखाँ न्यडः संघीय गणतन्त्रता हिस्याडः च्वन।

ज्या मः वानय्गु नामय् न्हिं द्वलंद्व ल्यासे ल्याम्होपुं विदेशय् वाडः च्वंगु दः। भीगु देशय् हे ज्या दय्कः बियगु सरकारं गुब्ले हे मस्वः। भन बैदेशिक रोजगारी कम्पनीतय्ता अःपुक नेपःया फुक्क ल्यासे ल्याम्होपुं विदेशय् छ्वयता ध्वासा बियो च्वना। देशय् दाच्छिया ११/१२ खर्ब रेमिट्यान्स द्वहँ वडगु धायो न्हायँ तःपुक च्वम्हा सरकारं देशय् न्हुँ न्हुँ उद्योग धन्दात चाय्क देशता थःगु तुतिखय दानय फ्यक्केगु तातुडः हज्यागु जूसा थैयाय्गु अवस्था वैगु मखु ज्वी।

अः कलेजत ब्वनामिपुं मदयो धमाधम तिडः च्वंगु दः। हिन्यगू तगिं पास याय्कं विदेशय् वाडः ब्वनय्गु थैया ब्वनामिपिनिगु ब्वसामारी (फेशन) हे जुय धुंकल। वांगु दायँ आ.व. २०७९।८० खय् जक १ लाख व हिस्वद्वस्वयो अपः ब्वनामिपुं विदेशय ब्वं वांगु, थुसीया आ.व या च्यालाया दुनय् च्यडाद्व ब्वनामिपुं बिदेशय ब्वं वांगु बुखाँ धायो च्वंगु दः। गुकिं भीगु देशया शैक्षिक अवस्था गथे खः धाय्गु क्यं। शैक्षिक लागाय् तजगु सङ्कट व्यानं शासक दलपिसं छु या: सा जिई दक विचः हे मया।

बजारय् दांगु छु हे मत। गरिब जनतात म्वाय् हे थाकुल। गरिवीं याडः परिवार का परिवार हे आत्महत्या यागु खाँ न्हिया म्हिथं बुखाँ प्याहाँ वयो च्वंगु दः।

भ्रष्टाचारया पःख हाचां गायो वाडः च्वंगु दः। देशय् दुनय्या नेतानिसे कर्मचारीतक सु इमान्दार दक धाय थाकुय धुंकल। थवहे दायँ भूटानी शरणार्थी काण्ड, ललितानिवास काण्ड, सुन काण्ड, वाइडबडी काण्ड थजगु अनेक काण्डत प्याहाँ वल। २०४७ साल लिपा सरकारय् वांपु नेता, मन्त्री तय्गु सम्पति छानबिन यागु जूसा अजगु यक्य यक्व काण्डत हकनं प्याहाँ वैतिनि नपां अः सिंह दरवार व प्रदेश सरकारय् ऐशा आरामं च्वडःच्वंपु फुक्क जेलया प्याछेली कुनिगु पक्का खः।

धात्यें नेपःमि पिसं २०८० छां समाजय् ह्यूपा हैगु दाँ जुइदक मति तःगु खः अथेन व आशा पू मवां। फुक्क लागा अखय्ला-थखय्ला मरु। राजदूत, प्राध्यापक, शिक्षक, न्यायाधिश थीथी लागाय् भागवण्डां याडः दे उखय्स्व थुखय्स्व मता गुकिं जनतां तसिकं दुःख सिला। २०८० या दाँ बजार भः थिक्य्गु, भ्रष्टाचार अप्वगु, कतया भरय् म्वाय मःगु, थीथी काण्डे काण्डे जःगु दाँ व निराशाया दाँ काथं फुडः वाना। २०८१ या दायँ अजगु मचःमगा व मभिं ज्यात ल्हवडः हज्याय् फःगु दाँ काथं हछ्याय् फः मः। थवहे न्हुँगु दँ २०८१ या सकल नेपःमि पिन्ता भिन्तुना।

पिकाक-ख्वप नगरपालिका/सम्पादक-आशाकुमार चिकंबज्जार, डेस्कटप-धन लक्ष्मी त्यात, आवरण सज्जा-रेणु ध्वज्, थाकू- भक्तपुर अफसेट प्रिन्टर्स फोन ल्या: ०१-६६१३०४३, इ-मेल- khwopapau@gmail.com



रेल दिक्षियाय् रेलवेस्टेशनय् अपलं मनूत हुलमूल याडः च्वडः च्वंगु जुल। अलय् भारतया रेलवे स्टेशनय् थे अशोभित ढगं घवातुमतु घवाडः मनूतय्त याइगु अशिष्ट व्यवहार व बगलीमारातय्सं बगली मारय् याइगु बांलागु घटना जुइगु गनां हे थाय् मरु। अथे जुइगु शंका याय् मालिगु अवस्था हे मरु। पाकेटमारत नपां होश यो दकः च्वयो तःगु साइन बोर्ड नं गनां हे मरु। पाकेटमारत नपां होश यो दकः च्वयो तःगु साइन बोर्ड नं गनां हे यखायो तःगु मरु। रेलय् च्वनय्यै हाँ हे जिपु च्वनय्गु कम्पार्टमेन्ट (रेलय् च्वनय्गु क्वथा) चा: हिल स्वप्ना अलय् थः थः गु थाय् मः मः थाय् स्वप्नाय् धुकः जिपु प्लेटफार्मय् शांधाई फेडरेशनया पासापु नपां खाँ ल्हाडः च्वडा। धात्यें धाय् गु खः सा नेन्ह प्यन्ह व्यकपु नपां च्वडः चाहिलाबलय् व्यक पिसं क्यंगु मायां व व्यवहारं व्यकपिन्ता त्वः त्यूता तस्कं थाकुयो च्वना। थौ व्यकपु नपां बायमालिगुलिं तस्कं म्हाय् प्यो च्वना। श्री ऊ-तुद्ग-मिद्ग शांधाई विद्यार्थी फेडरेशनया नायो भाजु खः। सेकेटरी (छ्याज्जे) श्री लिंच्यून खः। व्यकः पिसं जिमिता थः हे दाजु किजापिन्ता थे तस्कं बालाक थः भ पियो व्यवहार याइगु। टुड्ची विश्व विद्यालयया गृह निर्माण इञ्जिनियरिंग

## चीनया हाइंग चाउ पारवय् वाडा बलय्

नारायणमान बिजुवँ (का. रोहित)

विभागया प्यंगागु दाँया छम्हा मिसामचा ब्वनामि जिमिम्हा भाय् हिला मि (द्विभाषिया) काथं र्वाहाली याडः च्वंगु जुल। व्यकया नां टुड्ची खः। व्यकलं तस्कं थुइकः अंग्रेजी भाषं भाय हिलः जिमिगु मनया न्ह्यसः या लिसः लुदांक बियो दी। आना स्वास्थ्य निवासया भाय हिलामि भाजु ली नं नपां हे दी। सांधाई व्यकपिन्के विदा फ्वडः वाडा। ६:३० इलय् रेलय् न्ह्याकय् तान। मिखां हाय्यै दः त लय् व्यक पिसं लाहा सांकः विदा वियो च्वन। चान्ह्यै ९ ता इलय् जिपु हाड्गचाउ थ्यन।

### हाड्ग चाउ

बांला माया 'हाँड्चाउ' बांला वसन्त ऋतुया बाय धायेलो प्रकृति सुन्दर, कृतिम भिदुगं जन्मवगछी पासा याय ला'

### चित्तधर हृदय

हाड्गचाउ धात्यें हे तस्कं बांलागु, स्वय हाँयपु थाय् खः। हाड्चाउया प्रकृतिक सुन्दरताया विषय पुलांगु चिनियाँ धापु थथे दः- 'धरतीया स्वर्ग'।

हाड्चाउ चेकियाहाड्चाउग प्रान्तया राजधानी व राजनैतिक, आर्थिक व सांस्कृतिक केन्द्र खः। थव ३०.१५ उत्तरी अक्षांश व १२०.१० पूर्व देशान्तरय् ला। च्डेगताड्ग खुसीया सिथ्य् च्वंगु हाड्चाउ पूर्वी चीन समुन्द्र निसें १०० किलो मिटर तापाक्क व समुन्द्रया सतहस्वयो १० मिटर च्वय (उचाई) ला। हाड्चाउया मुक्क क्षेत्रफल ३२०० वर्ग किलोमिटर डाडः च्वंगु

दः। अलय् थाना च्वनिपु मनूत (जनसंख्या) २.२ मिलियन (नी न्यग्लाख) म्हा दः। हाड्चाउ नगर दुन्यै जक ७ लाख ५० हजार म्हा मनूत च्वडः च्वंगु दः। १६.३ सेन्टिग्रेड थानाया छ्याय्फ्वाय् काथं तापक्रम खः। थाना अपलं तः नुई ब्ले ४० डिग्री सेन्टिग्रेड व म्हवै जुइबलय् १० डिग्री सेन्टिग्रेड निसें शून्य स्वयो व्यय थ्यंकः तापमान वानी।

हाड्गचाऊ चीनया पुलांगु प्राचीन नगर मध्येया छगु खः। थुगु नगर दय्क बलय् निसें २१०० सदाया इतिहास उ, ऐह (सन १९३-१७८) राज्य शासनय् डागू वंशतक व दक्षिणी सुद्गा वंशया (सन ११२७-१२७९) तक राजधानी जुल।

हाड्गचाऊया तस्कं बांलागु लक्स (हावापानी) व तस्कं बांलागु अब्बल जग्गाया उब्जनी याडः दक्षिण चीनय् हाड्गचाऊ बुँज्याखय् अपलं हः नय् ला। बांलागु व फ्य् अपलं वः वडगु व दो (माथांगु) बुँखाडः वा जुट, कोकून (रेशम की लहिडः थ्वकिगु ख्यै थे जःगु), कपायै ताजि-ताजि तरकारी, पासी व आलु बखडा अपलं सैगु थाय् खः। हाड्गचाऊ मू काथं 'रेशमया राजधानी' जक नां दां। थानाया लुडग चिन वाउँगु चिया चीनय् जक मखु विदेशय् नं नां जः।

एस्पात, न्या, मिसिन, कलप्जीता, रासायनिकवस्तुत नपां कापया तः हांगु कारखाना नपां कैची, कुसा श्रीखण्डया माल सामान व मेमेगु बःचा बःचा हांगु क्यूरियो सामानया उद्योग तय्गु नं आना बालाक विकास जुय धुक्ल। अथेनं हाड्गचाऊया धात्येंगु लोकं हवागु उत्पादन रेशम व चिया

## सचित्र स्वीकृत खण्ड पौ. बःस्थि पौ(पाद्धिक)

हे खः । थाना बुद्धा कियगु कलात्मक व मिहिन ज्याखय् नं नां दां ।

हाड्गचाऊ बुज्या व उद्योग नपां चीनया छगू स्वास्थ्य निवास नं खः । थाना अपलं स्वास्थ्य निवास व विश्राम यायता दय्कतःगु छैंत नं दः । आना देया कुं कुलामं ज्या साडः नैंपुं ज्यामित स्वास्थ्य भिंक्यता व भासुलांक्यता वैगु खः ।

क्रान्ति स्वयो न्हपा हाड्गचाऊ साम्राज्यवादीत, देश-विदेशया पूँजीपतित व जमिन्दारतय्गु भासुलांकेगु थाय् खः । अलय् क्रान्तिलिपा हाड्गचाऊसं तः तः हांगु व चिच्या-चिच्या हांगु उद्योगत मथांमथां अपलं चाय्कल नपां बुज्या नं न्हूं न्हूं काथं याय्गु याडु हल नपां थानाया तस्कं ल्वः वाना पुसे च्वंगु प्राकृतिक थाय् देया फुक्क थासय्या ज्यामितय्सं नं स्वयो आराम काय् खान ।

देशय् भनन मथां मथां तस्कं बालाकः, म्हवचा धेबां अपलं स्यकिगु दय्किगु ‘आमदिशा’, ‘लामोकुदाई’ जन कम्मूनया स्वापु ध्वायता च्वय् थ्यंकः ल्हाडः कम्मुनिष्ट पार्टी क्यंगु लाँपु ज्वडः टेक्निकल इनोभेसन (प्राविधिक आविष्कार) व टेक्निकल रिभोकुसन (प्राविधिक क्रान्ति) या आन्दोलनय् हाड्चाउया जनतां ज्यान पाडः ज्यासाना अलय् कारखानात स्वयंचालित (थमनं हे) व अर्ध स्वयंचालित (बच्छीजक थमनं) चाय्क सामान दय्केगुलि तस्कं बालाक तः लाक ज्यासान ।

‘लामो कुदाई’ लिपा औद्योगिक उत्पादनय् ब्यवय च्वया काथं च्वजाल : - १९५८ खय् १९५७ य् स्वयो ९८ ब्व अपलं थाकाल । १९५९ खय् १९५८ स्वयो ३२ ब्व अपलं थाकाल । १९६० या स्वलाखय् १९६० या स्वलाखय् १९५९ स्वयो ९६ ब्व अपः थाकाला ।

हाड्गचाऊ नगर दुनय्य ३० गू स्वयो अपः जनकम्म्युनत दः । ब्वनामि पिसं न्हूंगु शिक्षा नीतिलिपा कारखाना व बुइँ वाडः

शारीरिक व मानसिक श्रम याइगु । बुइँ नं न्हूं न्हूंगु काथं (नविनीकरण) यासेलिं १ माउ, बुइँ द सय् क्याटिज वा सय्केगु राष्ट्रिय लक्ष्य तःगु खः । अलय् बालाक बुपालः, वैज्ञानिक ढंडगं पिकःगु पुसा, देसी सः अलय् नाः छुय्गु बालागु ब्यवस्थां छगू माऊ बुइँ द सय् क्याटिज वा सय्केगु राष्ट्रिय लक्ष्य स्वयो अपः ११०० क्याटिज वा सय्केला अथेहे कपायाँ व जुट नं एम माऊ बुइँ १५०० क्याटिज उत्पादन याय्गु कुतः याः च्वंगु जुल ।

हाड्गचाऊ उद्योग व बुं सय्केगुली जक विकास यागु मखु नपां शिक्षा व सांस्कृतिक लागाय् नं उलिहे हज्याडः वाडः च्वंगु जुल ।

हाड्गचाऊसं विश्वविद्यालय व मेगु हाइस्कूलत, प्राइमरी स्कूलत नपां याडः मुक्कं १९०१ गू ब्वनय् कुथित दः । आना ३ लाख ७० हजार ब्वनामिपुं ब्वनि ।

थाना ४० गू कलेज व विश्व विद्यालय् थजगु च्वय् थ्यंक ब्वंकिगु ब्वनय् कुथित दः गना २० हजार ब्वनामिपुं ब्वनि । ९७ गू सेकेण्डरी ब्वनय् कुथित सं ५० हजार ब्वनामिपुं ब्वनि नपां ११७० गू प्राइमरी स्कूल दः आना स्वंगू लाख ब्वनामिपुं ब्वनि । नेपां तुति चुयो डाय्गु नीति काथं चीनया मदिसे (नियमित) स्कूल बाहेक अवकाशकालीन स्कूलयाय् नं ब्यवस्था दः । गुर्कीयाडः ज्यासाडः नैंपुं ज्यापु ज्यामितय् नं ज्याखं फुर्सत दत्किं ब्वनय् दै नपां बहनीया रात्री विश्वविद्यालय् नं चाय्कः तःगु दः । अवकाशकालीन व बहनीया रात्रीकालीन ब्वनय् कुथित चाय्कसेली निराक्षरता मदय्केता तस्कं ग्वाहाली जुला ।

स्वास्थ्यया लागाय् नं हाड्गचाऊ तस्क. नां दां, आना ६२१ गू मेडिकल यूनिट (उपचारया केन्द्रत) दः अलय् ५८ गू अस्पतालत दः । हिंछगू स्वास्थ्य निवास दः । उकी द हजार स्वयो अपः बेड (शैय्या) दः ।

१८ तारेख चान्हय॑९ ताइलय् जिपुं हाड्चाउया रेल्वे स्टेशनं नगरय् पाखय् द्वैं वाडा । मोटर होटल हः नय् कोहें वानय् धुनय् वं आनाया सिचुगु फय् व आनाया बालागु लू (दृश्यं) जिमिगु मन साल काल । होटलय् जापानी (बुद्धिचाल) चेसया कासामिपुं नपां हाड्गचाउया कासामिपिनिगु धिधिं बल्ला जुयो च्वंगु जुयो च्वना । होटलया तः हांगु हलय् स्वकः मिपुं जाय्कः दः । ताः ताः हाकगु, तुइसे च्वंगु दाही लः हिड तःपुं बुढापाकापुं क्वथिइकः कासा म्हेतप्गुलि ब्यस्त जुयो च्वना ।

अलय् जा नयो देडा ।

१९ जुलाई सुथाय्या जा च्याताइलय् नया । दः३० ता इलय् हाड्गचाऊ विद्यार्थी फेडरेशनया नायो भाजुं जिमिता लसकुस याय् दयो तस्कं लय्ता प्वक्कल । अलय् एशियाली विद्यार्थीपुं छप्पा जुयमः दक बः बियो दिल । वनं लिपा फेडरेशनया छ्याज्जे भाजुं हाड्गचाऊया बः चा हाकलं म्हासिइका पिब्बयो दिल । वयकलं न्हूंगु चीन दय्केता ब्वनामिपिनिगु तः हांगु लाहादैगु खाँ नं काडः दिल “कम्मुनिस्ट पार्टीया न्ह्यलुवाय् देया बुज्या, उद्योग, विज्ञान टेक्नोलोजी(प्राविधिक ज्ञान) जः गु तस्कं बालागु दे दय्किगु ‘आमदिशा’ ता जनतात तस्कं मनहवयक दे हछ्याय्ता ब्वति कायो च्वंगु दः देया न्हूंगु शिक्षा नीति याडः ब्वनामिपिनि न्हपाया एक पक्षीय सैद्धान्तिक ज्ञान त्वः त अः गुगु सैद्धान्तिक व व्यवहारिक ज्ञान नपां नपां यंकेगु शिक्षा नीति दय्किगु दः । गुकिं याडः ब्वनामिपिनि अपलं अपलं थः ता अपलं प्रगति यागु दः ।

खँल्हाबँल्हालिपा हाड्गचाऊया ज्याइवः या बारे छलफल जुल अलय् १२ ताइलय् जा नय् धुंकः ज्या इवः काथं पश्चिमी भिल दुनय्या भिल व हाड्गचाऊया १ नं कुञ्ज थी थी लोकं हवागु थाय् स्वयता मोटर ब्वाक ब्वाक वाड च्वन ।

## नेप: या जलस्रोतय् भारतया एकाधिकारः नेपालय लोडसेडिङः

विवेक

नेपालय हकनं लोडसेडिङ या हल्ला दः। नेपाल सरकार व भारत सरकारया दथवी विद्युत आयात (न्यायगु) या खाँय अः स्वलाया लागिं जक सम्भौता जलाधायगु बुखाँ प्याहाँ वयो च्वंगु दः। वनं नेप: या सरकारं भारतया शर्त स्वीकार याय् धायानि जक जूगु धायगु खाँ प्राधिकरण नपां स्वापु दः पिसं धायो च्वंगु दः। सुथाय् सिया ६:०० ताइलय निसें बहनीसिया ६:०० ताइलय तक जक वनं नेपालं धःगु स्वयो यक्व हे म्हवचाजक भारतं विय धःगुलि ज्यू धायो नवीकरण यागु धःगु दः। थुकीं अःछुँ दिन लिपा निसें हे लोडसेडिङ जुइगु अलय औद्योगिक क्षेत्रयों अःनिसें हे म्हूंतुं मधः सिं (लोडसेडिङ) मता स्याडः हल्।

नेप: हलिमयया नेगूगु जलस्रोतया तःमिगु देश जुयानं नेप:मि पुं दायँ दायँ पतिकं विद्यूतया निंति भारतक्य् बःकायो च्वनय मः। थव थैया महत्वपूर्ण न्हयसः खः। भीगु देया शासक दलया नेतात भारतीय शासकवर्गात लय तायकेता नेप: या जलस्रोत भारतता लः ल्हाडः जुइगु। नेप:या न्हपा यायपुं प्रधानमन्त्रीत मातृका प्रसाद कोइराला, वि.पि. कोइराला व गिरिजा प्रसाद कोइराला छसिकाथं भारत लिसें कोशी, गण्डक व टनकपुर (लिपा महाकाली एकिकृत सन्धी) थजगु देशधाती सम्भौता याता। भारत लयमतः तलय् शासनय् प्यपुडः च्वनय मफैगु च्यो बुद्धिं याडः देशधाती सम्भौतात यायां यंकगु खः।

भारतय् अंग्रेजतय्सं नेसदा स्वयो अपः ईतक शासन याता। सन १९४७ य् तिनि बेलायती साम्राज्यवादपाखं भारतीय

जनता क्वत्ययक च्वने म्वाला। बमलागु देशता क्वत्यल यंकयगु उपनिवेश व विस्तारवादी सोचं धःसा भन भन हाँगः का कां यंकला। नेप:या जलस्रोत छगु छग याडः लाक कः गुलि थवहे उपनिवेशवादी सोच हे मू हुनि काथं खानय् दः।

नेप:या सार्वभौमिकताता क्वत्यल छवयगु जलस्रोत थःगु लाहातय्लाक्यगु अलय नेप:या आर्थिक विकासय् पंगः थानयगु नीतिसं भारतय् न्हयाम्हा हे सरकारय् वांसां फुक्कसिया छगु हे नीति खानय दः।

२०५३ सालय जुगु देशधाती महाकाली सन्धीया विरोधय अपलं विरोध यासां सरकारं लिपा मेगु देशधाती 'माथिल्लो कर्णाली' या सम्भौता याता। शासक दलत मिलय जुयो कर्णाली खुसी छपुतलं हे भारतीय कम्पनी जि.एम.आर. या लाहातय्लः ल्हायगु अपराधी ज्या याता। विश्व बैडकया सर्वेक्षण काथं च्वयया कर्णाली खुसी ४१८० मेगावाट विजुली पिकास फैगु खःसा नेपालय सचिद्दा स्वयों ताःहाकागु जल विद्यूतया इतिहास दः अलय अःतक खय मुकं २५ / २६ सय मेगावाट जक बिजुली पिकाय फःगु दः। वनं विश्व बैडक, एशियाली विकास बैडक व अन्तर्राष्ट्रीय मुद्रा कोष थजगु साम्राज्यवादीतयगु स्वार्थ पूवांक्यता निःस्वांगु आर्थिक ज्याभः तय्के क्रृण कायो। इलय हे विद्युत पिकाय मफयो नं लागत मूल्य अप्वइगु नपां क्रृणं क्वत्यल यंकगु खः।

२०७९ सालय उब्लेया प्रधानमन्त्री शेरबहादुर देउवां ७५० मेगावाट विद्युत पिकाय फःगु पश्चिम सेती भारतता बिला। वन हाँ चिनियाँ कम्पनी थ्री गर्जेंज ठेकका

लाकगु खः। नेप: दुनय् चिनियातय्सं पला तःगुतक स्वय मःमरुम्हा भारतं चिनियाँ लगानी याक्य् मबियता भारतं लाय छ्यःगु बाहेक मेगु छुनं विदेशं लाय छ्यःगु जलविद्युत मन्यायगु खाँ हदाय तय हलः। नेप:या अपार जल भण्डार थःगु लाहातय् लाक्यता उगु निर्देशिका जारी यागु खः धायगु खाँ सिय दः।

नेप: या जलस्रोत भारतता लःल्हायगुलि नेप: या शासकपुं छगु काथं धिं धिं बल्ला हे याडः जुइ। प्रधानमन्त्री प्रचण्ड २०८० सालया भारत भ्रमणया इवलय ६७९ मेगावाटया तल्लो अरुण, ४८० मे.वा. या फुकोट कर्णाली भारतता वियगु सम्भौता याता। अथेहे ९०० मे.वा. या अरुण तेश्रो, ४९० मे.वा. या अरुण चौथो, ४५० मे.वा. या सेती नदी ६ नपां नं भारतया जिम्माय बिला। थथे दै दक्व नेप:या खुसीत भारतता लःल्हासेलिं नेप: दे गथे विद्यूतय् थःगु तुतिख्य दानय् फै ?

भारत औद्योगिकिकरणय् हज्याडः च्वंगु देश खः। व हलिमयया शक्ति राष्ट्र काथं नं च्वजायो वयो च्वंगु दः। वाता यक्व यक्वहे विद्युत मालिगु तिनि। अःतक वयागु ७० प्रतिशत विद्युत उत्पादन कोइलया भरय चलय जुयो च्वंगु दः। उकिं नेपालं अपलं विद्यूत पिकायो भारतता जक मिय फःसां नं नेप: दे आर्थिक रूपं बालाई धायगु खाँ धायो च्वंगु दः। अलय् भीपुं शासकपुं नेप: या लाय छ्यल विद्युत पिकायगु स्वयो भारतता विद्युत परियोजना दयके बियगु अलय उकिं छु भातिचा थमनं कायो नेप:या आर्थिक विकास यायगु म्हागस खाडः च्वंगु दः।

## सचिक्षित स्वीकृतगृह ख्यप पौ. बःस्थि पौ(पाद्धिक)

भारत नेपःया विद्युत स्वयो नं  
जलस्रोत (नाः खय्) फुक्क थःगु अधिकार  
तय् गु मति दःम्हा खः। हलिमय दकलय  
अपः अथेधाय् गु १ अर्ब ४१ करोड स्वयो अपः  
जनसंख्या दःगु दे काथं ल्या पिब्बयो च्वंगु  
दः। व जनसंख्या न्हियान्हिथं अप्वयो वगु  
पानय् ता वाता तस्कं थाकुयो च्वंगु दः।  
उकिनं त्वनय् गु यचुगु नाः वियगुलि भारतता  
भन तः हांगु समस्या ब्वलाडः च्वंगु दः  
उकिं व समस्या ज्यंक्यता नेपःया नेतातय् ता  
हेकां जिलाला, ख्याडां जिलाला, धम्की बियो  
जूसां जलस्रोत थःगु लाहातय् लाकय् गु वाय् गु  
लिपा थ्यंक्या योजना खः।

नेपःया विद्युत भारतता मियता  
प्रशारण लाइन दयकेता धायो सरकारं छगू  
अमेरिकी कम्पनी नपां एमसीसी सम्भौता  
याता नेपःया सार्वभौमिकता व असंलग्न  
नीतिया अखः जुगु उगु सम्भौताया चाकलीं  
विरोध जुइकं जुइकं शासक दल तय् सं उकिता  
पारित याता। अःबैड़क व सहकारी संस्थाय्  
तरलता यव्वत हे मुँ वल। अ-बैड़क्य जक  
लाय् छ्यलय् ता काथं छिंगु ६ अर्ब स्वयो अपः  
धेबा खानय् दःगु क्यडः तगु दः। उकिमध्ये  
३५ हजार स्वयो अपः सहकारी खय् खबौया  
धेबा स्वयाड तःगु दः। उगु धेबा विद्युत  
उत्पादन व प्रशारण लाइन विस्तारय् खर्च  
या:सा एम सी सी थजगु देशघाती सम्भौता  
याय् हे मालिगु मखु। नेपः विद्युतय् थःगु  
तुतिखय् दानय् फै। गां-गामय् व बस्ती-  
बस्तीतक बिजुली थ्यंक, जनताता  
हदय् तयमःगु उद्योग धन्दामा लागिं मदिक्क  
विद्युतत च्याकय् बियो उत्पादन अप्वयके  
मःगु दक संसदय नेपाल मजदुर किसान  
पार्टीया सांसदपिसं वारम्बार धः सां शासक

दलपिसं न्हयप सिलिं चाय् हे दूता मछ्व।  
अः नेपालं भारतया खाँ जक न्यडः विद्युत  
न्याय मःगु अवस्थाय थ्यन।

छु ई न्हयौ भारतीय विदेशमन्त्री  
एस. जय शड्कर नेपालय चाहयू वगु इलय  
हिंदाखय् १० हजार मे. वा. बिजुली भारतता  
वियगु खायैं सम्भौता जुगुलि सरकारं अनेक  
बुटायो बयबययाडः जुला। भारतया लागिं  
नाः व बिजुली नेपाल बियगु नेपःया लागि  
मालिवलय् वयागु शर्तत पालना याडः  
न्यायमःगु वं मिय मखु धःसा मता सीकः  
ख्युकं च्वनय् गु भीगु विशेषता खः। थव  
गजगु विदम्बना। अले गथे उथिं ग्यंगु  
ब्यवहार जुला? जनसंख्या, भूगोल अर्थतन्त्र  
या लिधंसाय् दे तः हां चिच्याहां जूसां  
सार्वभौमिकता फुक्क सिया उत्थें खः। अथेने  
भारतं नेपः देता सार्वभौमसत्तां जःगु व स्वतन्त्र  
देश खः जक धाय् मस्ति मव थव हे अःयाय् गु  
समस्या खः।

जलस्रोया लिधंसाय भारतं नेपःया  
फुक्क अर्थतन्त्र थःगु लाहातय् लाकय् ता स्वयो  
च्वंगु दः। अपलं विद्युत पिकाय फःसा  
उद्योगधन्दात बांलाक, चलय जुइ। उत्पादन  
अप्वः पिकाय फःसा मालसामानया मू म्हवचा  
जुई अलय नेपःया व्यापारघाटा म्हवचा  
याय् ता गवाहाली जुई। भारतकय् नेपः देता  
मःगु नसा त्वसा, कापत निसें फुक्क निर्माण  
सामग्रीत काय माल च्वंगु दः। भीगु उद्योग  
धन्दात बन्द याडः फुक्क बजार भारतया  
लाहातय लाकय् गु वायगु दुनुगलं निसेया  
तातुना खः। भारतया व्यवहारं नेपः देता  
म्हूतुं मधः सें (अघोषित) नाकाबन्दी याडः  
च्वंगु दः।

जलाखाल दे चीन हलिमयया नेगूगु

अर्थतन्त्रं जःगु देश खः। चीनया विकासं नेपालं  
फाइदा काय फःसा दे हज्याकय्ता गवाहाली  
हे जुइगु खः। चीन व भारत नेगू जलाखाला  
दे खयानं भारतं न्हयाब्लें नेपालय थःगु स्वार्थ  
तयो जक गवाहाली यागु खानय् दः। चीन  
धःसा नेपालय् थी थी उद्योगधन्दात पलिस्था  
याड थःगु तुतिखय दानय् फय्केगु काथं  
गवाहाली यागु खानय् दः। पूर्वाधार निर्माण,  
कोरोना व तः भव्वाचा ब्वयो नेपः मि  
पिन्ता सङ्कट वगु इलय् चीनं धिसिलागु  
गवाहाली याता। नेपः मिपिसं सङ्कटया  
इलय् हे जलाखाला गजम्हा धाय् गु सिइके  
फैगु खः। माया याथें याडः मुलय् तयो  
न्हयलय् स्याइपुं बालाम्हा पासा जुय फै मखु।  
भारतं नेपः देता अजगु हे व्यवहार याडः  
च्वंगु दः।

नेपःया जलस्रोत नेपःया अमूल्य  
सम्पति खः। उकिया संरक्षण याडः कन्हेया  
पुस्तता तःमि याय् ता (समृद्ध याय् ता) छ्यलय  
मःगुलि देया फुक्क खुसीत भारतया म्हिचाय  
स्वथांक भीपुं शासकपिसं देशघाती ज्या  
यात। सुगौली सन्धीसं गजराज मिश्र व  
चन्द्र शेखर उपाध्याय पिसं लाहाचिं  
(हस्ताक्षर) यासेलिं नेपःया थ्यं मथयं बच्छी  
भू-भाग मदयकः च्वनयमाल। अः नेपःया  
प्रधानमन्त्री देउवा, केपी ओलि, माधव नेपाल,  
बाबुराम भट्टराई, प्रचण्ड, भलनाथ थजपुं  
भारतया हःनय कपः क्वचुडः जुइपिसं याडः  
देया अस्तित्वहे सङ्कट वयो च्वंगु दः। दे  
मिडपुं मिश्र व उपाध्याय नपां सिक्किम भारतय्  
दुतिनय् यकम्हा लेपडुप दार्जपुं स्वयो भीपुं  
देशघाती नेतात छु अर्थय पाःता? ईलं  
अजपुं देशघातीतय् ता धिक्कारय् याई थुकलं  
बिई, अपुं 'नक' य् वानि तिनि।

**नगरपालिका भगीगु हे संस्था रवः  
इलयहे कर पुलः गवाहाली याय् नु**



નસા મામાં -  
જિં લાં તંકા થઃગ  
બુલુહું ... બુલુહું ... !  
લાં તની ધ્યાગુ હે  
ધાત્યે લા થઃ હે તનીગુ મખા ?

પિત્યા:મહ જિં- થઃગુ લકસ હે નયા લાં ક્રવ  
વાંવાં ન્યાના: થઃત હે નયા છ્યનનિસે  
થુગું ચતાંમરિ થે  
બિલાગુ જીવન થવ !  
બ્વાલા કાયે ધાદાં  
નૌ જ્યાવંગુ મિઝ,  
જિ થઃ હે થઃત સ્યાટ્યક પુયાચ્વન |  
તેજાવ બુલાત:ગુ નસાં  
જિગુ મ્યે બુના: જિ નવાયે મફયા વનાચ્વન  
નસા મણુ - નુગ: દુને દુને ગન  
હિઙ્ક બીગુ સ્યા: ન્યાચ્વના  
સ્યા: નન,  
આ: લા સ્યા: હે નં  
છગુ સવા: જુલ જિત:  
અય્લા: ત્વત્તં નુગ:પા હિઙ્ગ અય્લા: હે સા: થે  
ઘા: લા ક્રવં નયેધુન  
ક્યાતુગુ નુગલં  
આ: જિ પ્રહાર ખના: મગ્યાના  
તર ઘા: જ્યુગુ હે મચાઙ્ગ  
ઘા: ક્રવં ખના: ગ્યાના:  
તા: તા:હાક:ગુ ખિઉંગ મૃત્યુ થે  
નસા મામાં વનેબલય  
ગબલે જિત:  
થ:ગુ તુતિ હે પની,  
વને મજીક  
થ:ગુ છ્યલં હે કી  
- ખને મદયેક |

સુનાન મખંકા:-  
જિં થ:ગુ તુતિ હે પાલાગુ દુ  
થ:ગુ છ્યં હે મ્વહિલાગુ દુ  
તર, વિવેક મિખાય જાયા વયેવ  
હાન હાન જિગુ છ્યં બુયાવદ  
હાન હાન જિગુ તુતિ તા: હાનાવદ  
જિથ: દુને હે -

## નસા મામાં જિં લાં તંકા થઃગુ

પૂર્ણ તૈય

છગુ ક્વમચા:ગુ ગૃહ-યુદ્ધય  
જિ થવં થઃત હે પાલા: પાલા: લ્વાનાચ્વના  
ગબલે છ્યં મદુમ્હ જિ જુયા:  
ગબલે પ્વા: મદુમ્હ જિ જુયા:  
ગબલે તુતિ હે મદુમ્હ જિ જુયા:  
ચિન્વ:ગુ નસા નન  
ચિસવા: હે નસાયા સવા: જુઝ  
મસા: મનિંગ ધકા: મેચં ગય ધાયેફઝ  
જબ ચિયા સવાલં હે નસાયા સવા: નઝ  
મ્યે લાતા યાઝ |  
તર, ગન ગન નસા હવલાત:ગુ દુ, જિત:  
અન અન ધ: છુનાત:ગુ દુ  
બાંવાંલા:ગુ જા: પ્યનાત:ગુ દુ  
ન્હન્હગુ આકર્ષિત ધઃત  
જા:ત  
તાતા:હાક:ગુ મૃત્યુ !  
મરિ છકૂચિયા હુનિ  
ધલય લા:મ્હ છુંચાં  
ધ: સ્વીકાર યાના:  
મ્વાયેગુયા લસકુસ ધ્વાકા ભા: પિયા |  
ગુલિ બાંલા:ગુ તઃ ખાગુ છું ધકા:  
ગન થ:ગુ તુતિ ત્વધુઙ્ક કાનાચ્વંગુ દુ |  
ધાત્યે થૌ જિ ગન ?  
થવ ચક્રવ્યૂહયા દુને  
ત્યાત્યાયાના: લાં સિથય  
છ જિ થવ છુંયા તુતિઝ ?  
થવ છુંયા મુતુઝ ?  
ખિંડિત થ: હે -  
નિખર સ્વ:ગુ નિપા તુતિઝ  
ખને મદુગુ ધ: ધ:  
છુનાત:ગુ થવ લાં  
નસા મામાં  
થ:ગુ લાં તંકા ?  
થ: હે તંકા ?  
બુલુહું ... બુલુહું ... !  
ઝે, જિં થ: ત  
થિઙ્કા,  
બુલુહું ... બુલુહું ... !  
(સિતુ ૫૫:૧૦૯૯)

## नेपालभाषा सर्वबोधी छुं तथ्य

प्रा. माणिकलाल श्रेष्ठ

नेपाली जनसंख्याया छब्ब (आः थव भाषाया नातां नेवार धयातःगु) मनूतसे थैकन्हय् ल्हानाच्चवंगु नेपालभाषा सम्बन्धिधारणा मनूतयके अस्पष्ट ज्गू खने दुगुलि नेपालभाषा सम्बन्धिधारणा अनुसन्धानात्मक च्चसु मखुसां छुं भाति अनुसन्धानया खँ नं दुथ्याका: थव लेख च्चयागु खः। हाकनं थव च्चसु नेपालभाषा सम्बन्धिधारणा अनुसन्धानात्मक कुतः नं मखु, बरु नेपालभाषा सम्बन्धिधारणा अनुसन्धानया खँ पाय्छि मज्गूगु बिचायात त्वाःल्हायेगु कुतः जक खः।

### नेपालभाषा छुं जात बाय् जातिया भाषा मरु

नेपाली जनसंख्याया छगू छव 'नेवार'तयत छगू जात धकाः नेपालभाषायात नेवार जात ल्हाइगु भाषा धकाः मखु खँ न्हयाकाच्चवंगु दु। वास्तवय् नेपालभाषा छुं छगू जातया भाषा मखु। खस भाषा वा पर्वतिया भाषा ल्हाइपिलय् ब्रम्ह, खय, दमाई, सार्कि, कामि धयातःगु उगुंथुगुं जातया मनूदुथेनेपालभाषा (खय् भाय् न्ववाइपिसं नेवारी भाषा धाइगु) ल्हाइपिनि नं उगु थुगुं जात जक मखु, थी थी धर्मया मनूत नं दु। बरु नेपालभाषाभाषी वा नेवाःतय जात, व खस भाषाभाषी थें वर्णया लिधंसाय् मज्गूसे राजनैतिक बलया लिधंसाय जात ज्गवंगु दु। मल्ल जुजुपिनि दरवारया भारदारत (जुजुया पुरोहित, जुजुया मन्त्री, जुजुया सेनापति, जुजुया वैद्य, जुजुयागु बाय् उबलय् राजया छुं नं फांटया मू पद कुबियाच्चविं फुकं) मध्ये उगु थुगुं वर्गया जूसां छगू हे पुचलय् तया भारो जात, अले मल्लतसे बुकातःपिं अय्सां ताःई तक नेपालय् राज यानाच्चविं लिच्छवि वंशया जुजुपिनि पालय उगुंथुगुं च्चवय् च्चवंगु थासय् (पदय्) च्चविं भारदार फुकसित छगू

पुचःया छगू जात, अथे हे हानं प्रशासनं छसिलिकक च्चनाच्चविं अय्सां च्चवय् च्चवंगु वर्णया हिन्दू ब्रम्हतसे वज्रयान धर्म नालाः क्या बौद्ध पुरोहित ज्यूपिं व मेगु पुचलं वयाः बौद्ध आचार्य ज्यूपिं फुकसित छगू जातय तया दयेकातःगु जात-विभाजनं नेवाःतय जात-विभाजन वर्णया लिधंसाय् मखु, राजनैतिक स्वपुकुनं (दृष्टिकोण) यानातःगु सीदु। बरु मेगु जाति व भाषाभाषी नेपालीतसे (दसुकथं मैथिल, ब्रम्हया भक्त व मिश्र, मैथिल जातया धोबी, जुझु दक्षिण भारतया मूलया व मेगु जातिया नाय्) थन वया नेपालभाषा ल्हायेगु यासेलि लिपा इमित नं नेवाः हे धाल। अथे ज्युः नेवाः जात ल्हाइगु भाषायात नेपालभाषा धायेगु मयासे बरु उकिया अःखः नेपालभाषा ल्हाइपिं मनूतयत नेवाः धकाः नां छगू खनेदु।

धर्मया स्वपुकुनं स्वयेबलय् आः नेवाःत बौद्ध धर्म हनीपिं व हिन्दू धर्म हनीपिं यानाः निगू पुचः दु। अथे हे निसः व चाःचूदं (पृथ्वीनारायण शाह्या आक्रमण) न्हयः नं नेपाल भाषाभाषी नेवाःतय बौद्ध, हिन्दू, इस्लाम व इशाइ प्यंगु धर्मया पुचः दु।

**नेपाल देश, नेवाल जनता व नेपालभाषा**

मेगु भाषाभाषीतसे नेवार धाइगु जातिया मनूतयसं (धाये नेवाःत) थःत 'नेवाल' धाइ। 'नेवाल' या अर्थ छगू जाति मखु, 'नेवाः' या अर्थ 'नेपाली' खः। इतिहासयात दुवाला स्वयेबलय् नेपाल खँगवः छ्यले न्हयः भीगु देशया नां 'किरात प्रदेश' खः। सुरुइ थव देशया नां 'किरात', थव देशया मनूतयगु नां 'किरात' व इमिसं ल्हाइगु भाषाया नां नं 'किरात' खः अथवा किरात देशया मनूतसे किरात भाषा ल्हायेगु याः। मनुस्मृतिइ थव

देशयात किरात प्रदेश व थनया मनूतयत किरात जन धयातःगु दु। लिपा देशया नां नेपाल जूवन व नेपाल देशया मनूतयगु वा जातिया नां न नेपाल जूवन।

कौटिल्यया इलय थव देशया नां नेपाल धायेधुक्गु खनेदु। कौटिल्य अर्थ शास्त्रय 'नेपालय दयेकूगु ताँ वस्तु' यागु खँ च्चयातःगु दु। उबलय 'नेपाल' खँगवः थैकन्हयया स्वनिगःयात जक मखु आयागु फुक नेपालयत धाःगु खः। तःपुलां (प्राचीन) भारतया सम्प्राट समुद्र गुप्तया प्रयागय च्चवंगु स्तम्भ लेखय कुमाऊनिसे पूर्व व आसामनिसे पश्चिमयागु भूभागयात नेपाल धयातःगु दु। (इतिहास संशोधन प्रमाण प्रमेय, पौ २१-२८)। सन् ६३७ दॱ्निसे ६४१ दंतक च्चयातःगु चिनिया यात्री ह्वेन श्याङ्गयागु यात्राया बयानय नं भीगु देशया नां नेपाल धयातःगु दु अले थव देशया चाः (पेरिमिटर) फुकं याना ४०००लि (१३४० माइल) धयातःगु दु, मतलब थौया नेपाःया चाः व ति हे दु।

ह्वेन श्याङ्गया ईपाखे नेपाल देशया जनतायात नेपाल धायेगु याःगु खनेदु। शक सम्वत् ४३४ (सन् ५१२) दॱ्य लिच्छवी जुजु वसन्त देवं थापना यानातःगु तिस्तुङ्गय च्चवंगु अभिलेख, तिस्तुडय लूगु सन् ६०७ दॱ्यागु अंशुवर्मायागु अभिलेख, अंशुवर्मायागु हे भटुवालय च्चवंगु अभिलेख, चित्त्वाङ्गय आः तिनि लुयाः वःगु महाराजाधिराज श्री उदय देवयागु सन् ६२१दॱ्यागु अभिलेखय 'स्वस्ती नेपालेभ्य' (नेपाल जनतायागु) कल्याण जुझमा धकाः अभिवादन शुरु याःगु दु। नेपाल देशया वासिन्दायात नेपाल हे धाइगु खः। थथे किरात देशया नां नेपाल जुझुधुकाः किरात जनतायात 'नेपाल' धायेगु याःगु क्वःज्यू। किरात भाषा व किरात मूलया भाषाय 'प'

## सचित्र स्वीकृत गुरु पौ. बःष्टि पौ(पाद्धिक)

या पलसा 'व' अले 'व' या पलसा 'प' जुइफुगु स्वभावं नेवाल जूवंगु जुइफु । लिपा वना देशया नां नेपाल अले नेपाल देशया मनूतयगु नां 'नेवाल' जूवन ।

मल्लकालया इकले लिपाया ईपाखे कश्मर, तासकन्द व इराकं नेपाल व्याच्चंपि इस्लाम धर्मया मनूतयगु परिवारं थःत 'मुसलमान नेवाल' धायेगु याः । नेपालं क्रिश्चनत सन् १७७७-७८ दॱ्पाखे पितुसेलि पिने वना च्चनाच्चंपि मध्ये भारतया बेतियाय च्चनाच्चंपिनि सन्तानतसें थःत 'नेवाल' धाः । थुकथं नेवाल (नेवार) या खँगवःया अर्थ गुगुं जात बाय् जाति मखु 'नेपालिमि' या पलसा (पर्याय) जक खः ।


### नेपालभाषा, किरात भाषाया विकसित रूप

किरात प्रदेशया नां नेपाल देश अले देशया वासिन्दायात नेपाल (व अनं लिपा नेवाल) धायेगु यायेधुकाः थः कथं थःत 'नेवाल' जाति धाइपिंस किरात भाषायात नेपालभाषा धायेगु यात । खला नेपालभाषा किरात भाषाया विकसित रूप खः । थौया नेपालया राइ भाषा, लिम्बु भाषा, सुनवारतयगु भाषा तःपुलां (प्राचीन) किरात भाषाया महो हिलातःगु (परिवर्तित) भाषा खः धाःसा नेपालभाषा भतीचा अप्वः हिलातःगु व विकसित रूप खः । खस कुरां विकास जुजुं वना थौया नेपाली भाषा पिहाँ वःथें किरात भाषाया हिलावःगु व विकसित जुजुं वना नेपालभाषा जूवःगु खनेदु । मैथिलि भाषा व मेगु संस्कृत मूलया भाषायागु प्रभाव लाना वैवं वैवं भाषाभाषीतसें किरात भाय् ल्हाइबलय् संस्कृत मूलया, खास याना मैथिलीया आपा खँगवः छ्यलातःगु न्हगु रूपयागु किरात भाषा हे नेपालभाषा जूगु थें जिं ताया ।

### नेपालभाषा गुलि पुलां ?

नेपालभाषाया उत्पत्ति गुबलय् जुलया किरात भाषाया हिलाया रूपय् थव भाषा विकास गुबले तकया दुने पूवन अर्थात् नेपालभाषाया गुलि ताःहाकःगु इतिहास दुधकाः पाय्छि जुइक धायेत तसकं थाकु । अले थव विषयलय् अनुसन्धान यायेत न तसकं थाकु इधुंकल । न्हापायाम्ह शंकराचार्यया बौद्ध-धर्म विरोधी अभियानय् नेपाल व्याः नेपालभाषां व्यातःगु ग्रन्थ लुया वक्व फुक्क (बौद्ध धर्मयागु जूगुलिं)

छ्वयेकूगु व



लिपा

स न् १३५०देंय  
बङ्गालया सुल्तान समसुदीन नेपाल आक्रमण याना: ग्रन्थ मुकेगु आदेश बिया फुक्कं छ्वयका छ्वःगुलिं व सिकं न्हयःया छुल्यगु ग्रन्थ दुसा व ग्रन्थ लुइका अनुसन्धान यायेगु ल्यं हे दनि । सन् १३५० दॱ्सिकं न्हापायागु आःतक लुयावःगु नेपालभाषाया अभिलेख मध्येय् पन्तिइ च्वंगु

सिजः पौ (ताम्रपत्र) किरात भाषां नेपालभाषाय् वःगु बांलाःगु दसु खः । नेपालभाषायागु धकाः बांलाक सीदुगु अभिलेख नेसं. ३५३ दॱ्स (सन् १२३३दॱ्स) यागु अभिलेख खः ।

लिच्छवि इलय् नेपालया लिच्छवि वंशया जुजुपिसं थापना यानातःगु अभिलेख संस्कृत भाषां च्वयातःगु दु, तर व अभिलेखय् उखेंयुखे छ्यलातःगु संस्कृत मखुगु खँगवः (खास याना थाय्या नां) अडडा अदालतया नां व छु वस्तुया नां मुका नांदम्ह इतिहासकार मदयेधुंकम्ह बाबुराम आचार्य व खँगवः नेवातःयगु भाय्या खँगवः धकाः धयाद्युगु दु । नांदम्ह इतिहासकार धनवज्ज वज्जाचार्य नं लिच्छवीया ईया अभिलेख मुका: उकिं नेपालभाषायागु धकाः यच्चुक सीदुगु छु खँगवः क्यना द्यूगु दु ।

साँगाय् लूगु सन् ६०८ या अंशुवर्मायागु अभिलेखय् अन चिकं काकेगु कोलतयगु खँ च्वयातःगु दु । व अभिलेखय् व थाय्या नां आः न 'शङ्गा ग्राम' धकाः च्वयातःगु दु । अयसां 'शङ्गा' खँगवःयात नेपालभाषां साःगाँ (साँगा) या संस्कृतिकरण मानय् याःसा सा गाँया अर्थ (सा:-कोल, गाँ-ग्राम) चिकं काकीपि कोलत च्वनीपिनिगु गाँ धकाः धायेफु, खँ छु धाःसा अभिलेखय् व गामय् कोलत च्वना: चिकं काकेगु ज्या याइगु न्हयथनातःगु दु । नापनापं चिकं काकेगु खँय् न्हयथनातःगु छ्गु वस्तुया ना 'हाम्हुड' थौया नेपालभाषा खँगवः हाम्वः (तील) या न्हापाया रूप अःपुक हे अनुमान जुइ । हाकनं लिच्छवि ईया अभिलेखय् सिं पालीपि ब्वसी (दाउरे)त पाखें वइगु करया ना 'सिकर' खँगवः नेपालभाषायागु सि (सिं) नाप स्वापू दु धकाः यच्चुक सीदु

याइगु न्हयथनातःगु दु । नापनापं चिकं काकेगु खँय् न्हयथनातःगु छ्गु वस्तुया ना 'हाम्हुड' थौया नेपालभाषा खँगवः हाम्वः (तील) या न्हापाया रूप अःपुक हे अनुमान जुइ । हाकनं लिच्छवि ईया अभिलेखय् सिं पालीपि ब्वसी (दाउरे)त पाखें वइगु करया ना 'सिकर' खँगवः नेपालभाषायागु सि (सिं) नाप स्वापू दु धकाः यच्चुक सीदु

## सचित्र स्वीकृत ख्याति ख्याति पौ बः छिपौ (प्राक्षिक)

### नेपालभाषा व थवया नां

थव भाषाया नां 'नेपालभाषा' धका:  
यचुक च्वयातःगु अभिलेख व ग्रन्थ माला  
ने.सं. ५०० (सन् १३८० दैनिसे थुखे यक्क  
दु)। व सिक्के न्हापा लाःसा सन् १३५०  
दैयागु समसुदीनयागु हमलाय् फुत जुइ।  
नेपाल सम्बत् ५०० दैयागु 'मानव शास्त्र'  
नांगु संस्कृत ग्रन्थया टिकाय् 'टीका  
नेपालभाषा' च्वयातःगु दु। क्याम्बिज  
विश्वविद्यालय् च्वंगु 'अमरकोष' (ने.सं.  
५०६८) सन् १३८६ दैय् 'माणिक्य विरचित  
नेपालभाषा टिप्पणी समाप्तेयम' धयागु  
खँग्वः दु। ने.सं. ५४१ दंयागु 'ज्योति  
राजकरण' व ने.सं. ५८२ दंयागु 'स्वरोदय  
दशा' धयागु ज्योतिष ग्रन्थ्य् थव भाषा  
च्वयातःगु दु। नेपाल सम्बत् ५०० दैनिसे

मल्लकालयात व वयां लिपा नं शाहवंश  
थापना जुइधुंका: सचित्र तक फुक्क ग्रन्थ  
व अभिलेख्य् थव भाषायागु औपचारिक  
नां नेपालभाषा च्वयातःगु दु। राणा  
प्रधानमन्त्री जङ्गबहादुर राणाया शासन  
काल क्वचाः पाखे वि. सं. १९३०दैया  
आदीश्वरया शिलालेख्य् 'नेपालभाषा' खँग्वः  
छ्यलातःगु दु।

नेपालभाषा न्ववाइपि नेवाल  
(नेवार) त जूगुलिं यूरोपया च्वमितसे थव  
भाषायागु अध्ययन याइबलय् हिन्द्या 'हिन्दी',  
बङ्गालया बङ्गाली धाये थें नेवारतसे ल्हाइगु  
भाषा याना नेवारी धका: न्हूगु नां छ्याउ खनेदु।  
अले भीगु देशया भाषा शोभिनिष्टतय्त थव  
न्हूगु नामं नुगः साले फुगु व यद्यपुसे च्वन  
खास याना छ्याउ राष्ट्र छ्याउ भाषा, अले छु छु

... छ्याउ धयागु नारा बिया ना जक्या  
'राष्ट्रवादी' जातीवादीतय्सं 'नेपालभाषा'  
धयागु नां हे आपत तायेकल। नत्र थवया  
द्वलं द्वदं ताःहाकःगु इतिहासय् अभिलेख, ग्रन्थ  
वा छुं नं वाढ्मय्य् थव हे भाषां च्वयातःगु  
अभिलेख जुइमा फुक्कय् नं थव भाषायातःगु  
'नेपालभाषा' धाःगु दु।

सरकारी ख्वाः पौ 'गोरखापत्र'  
आः जक नेपालभाषा त्वःता नेवारी धका:  
च्वयेगु याःगु खः। गोरखापत्र थव भाषायागु  
नां नेपालभाषा धका: च्वःगु दकले लिपाया  
ल्या: २०१६ साल (गो.प. भाग ९ नं. ४४)  
खः।

(प्याकि, ने.सं. ११०७ न्हूद, पौ ५-७ व १८  
अक्षलोक खस साहित्यिक त्रैमासिक  
भाय् ह्यूम्ह : तुयुबहादुर महर्जन)

### गोर्कीया बुदिं

२८ मार्च १८६८ ख्य् रसियाय् छम्हा  
गरिव परिवारय् बुम्हा म्याक्सिसम गोर्की  
प्रगतिशील च्वमि खः। कतया छैं, ज्या साँ  
वानिम्हा गोर्कीया ब्वा गोर्की प्यदा दःबलय  
मन्त। गोर्की न्हय्दा दः बलय् वाता त्वः तः  
व या मां मेम्हा नपां इहिपा याडः वान।  
गोर्की पाजुपिन्थाय् च्वँ वांसां पाजु बाज्याया  
खराब बानीं व च्यादा दः बलय् हे छैं त्वः तः  
थः मनं हे ज्या साडः नय माल। वयक्या  
'चिकुलाया छ्चा' बाखं वयक्या जीवनया दुःखं



जःगु बाखं खः। ज्या मालय्गु इवलय् वयकं  
कम्युनिस्टत नपा लात। उगु इलय् वयकं  
लेनिन नपा लाडः दिल।

गोर्कीया साहित्य ज्या साडः  
नैपुं वर्गया निंतिं जार सरकारया बिस्द्यु  
जुइगुलिं थःगु च्वसु पाखं सोभियत संघय्  
समाजवाद ह्यता राजनीतिक ज्या भः थें  
जुल। 'मा' वयक्या नोबेल पुरस्कार  
त्याकगु साफू खः। थव वयक्या १५६  
कगु बुदिं खः।

### इत्याप

ख्वप नगरपालिका पाखं पिथाडः च्वंगु ख्वप पौ बः छिपौ ख्य् बांलागु च्वसु  
त बियो र्वाहाली याड दिसँ। उगु रचनाया ल्य ज्या याड पारिथ्रमिक बियगु  
खाँ ख्वप नगरपालिकाया २०७७ श्रावण २६ गते च्वंगु बैठकं  
क्वः छ्यूगु खाँ ब्याक च्वडा।

सम्पादक  
ख्वप पौ

## थःथःगु जया सिइकः यायनः

कुशल

विहिवार खुनुं जि इलय हे वडा  
कार्यालय थंकः वाडा । अथेहे निन्द्यसिया  
११:०० ता इलय सेवाग्राही त वयगु इवलय  
छम्हा केहें मयजु व सर भायो ज्वजलपा  
धाय्यं ज्वजलपा धायो पलख फेतुडः दिसँ  
धायो न्हपा वपुं सेवाग्राहीत नपां खाँ ल्हाडः  
च्वडा । पलख लिपा छुखाय भायागु धायो  
न्यडा बलय् थःगु म्हासिइका ब्यू ब्यूं जि  
नीमा तामाड (छुडगु नां) जिगु छुं सोलुखुम्बु  
जिल्लाय, अः जि येँया बागबजारय च्वडः  
च्वडा । वयक जिमि जाहान मिनमार  
तामाड (छुडगु नां) थाना जिपुं कालबिलया  
समस्या ज्वडः वयागु खः । जिमिसं जिल्ला  
प्रशासन कार्यालय वाड, नं उजुरी ब्यू वानय  
धुन । अलय् थजगु कालबिलया मुदा स्थानीय  
निकायं स्वइगु धायो उजुरी मकः । उकीं  
जिपुं थाना वयागु खः । जिमिक्य छुं हे  
कानूनी ज्ञान नं मरु । छिगु हे शरण्य  
वयागु दः । जिमिता न्याय  
बियमाला धाल ।

व सामिमिसाचा खः स्वयबलय  
नकतिनि यायम्हा थें च्वांसां खाँ धःसा बही  
नावगु थें, अलय छम्हा सामि मिसा थुगु  
वडाय् छाय् न्याय माला धःवला ज्वी । थव  
जिगु क्षेत्राधिकारय लाइ हे मखु ज्वी धायगु  
मनय वान । अथेनं जनप्रतिनिधि जुय धुंसेलिं  
न्हयम्हा हे वसां अमिगु खाँ न्यनय हे माल  
धायो ध्यान तयो न्यडः च्वडा ।

व सामि केहें मयजुं धाल-पेशाखां  
जि सहकारी कःमि, जागिर सहकारी  
कार्यालय, जिगु सहकारीया छगु कचा सूर्य  
विनायक्य नं दः । अलय गुल्ले गुल्ले ज्याखाँ  
परय् जुइबलय् जि आना नं वाडा । जिमि  
जहान (मिजं) पर्यटन व्यवसानीय खः । अः  
अफ सिजन जगुलिं जि नपां वगु खः । जिमिगु छगु व्यवसाय छिगु वडाय् नं दः ।

थगु वडाया सिंमिल छगुलि जिमिगु नं भाग  
थ्यागु दः सर । व सःमिल चाय्केता उकिया  
मालिक थुवः (मुस्तफा) (छुडगु नां) ता जिं  
बीस लाख तका दां त्याय बियागु खः । अलय  
जिमिगु कालबिल भ्वत्यं छिं प्रमाणित नं  
याडः ब्यू दः । उगु भ्वया म्याद नं फुइन ।  
अलय् विपक्षी जिता धेबा मब्यूसे थी थी  
त्वहः तयो लिफिलिफी जक च्वडः च्वना ।  
उकिं वयक विपक्षीता छिं थाना सःतः जिमिगु  
धेबा कायो बिय माल ।

व सामि मिसामचां मग्यासीं धाला  
जिं वयागु सक्कली तमसुक भ्वं स्वया उकि  
बीस लाख काल बिल याडगु खाँ च्वयो तः  
गु जुल । नपां चेकया खाँ नं दः । जिं निमा  
तामाड क्य विपक्षी (मुस्तफा) या फोन नं.  
कायो फोन याडा बलय वयकः अ तुरुन्त हे  
वडाय् वय धायोदिल ।

मिनमार तामाड थःगु व्यवसायया  
खाँ ल्हाडः च्वांसां जिगु मनये उब्ले व सः  
मिल त्यता थमतं याडगु ग्वाहाली जक  
लुमाडः : वयो च्वन । दाच्छिति हाँ जक  
उगु सःमिल चलय यायता छम्हा मुसलमान  
भाइ वडाय् वगु खाँ लुमांसे वल । वयकलं  
उब्ले थः मुसलमान ज्गूलिं थःता साब हे  
थाकुला धःगु खाँ लुमांसे वल । थव नेवः  
वस्ती जुयो च्वना । सायद छिन नेवः हे खः  
जुई । छिगु जातया मनुतयसं जिता विश्वास  
हे मया । छगु मिल त्यता थाना जग्गा बालं  
काय् धायां जिता विश्वास हे मया, सायद  
मुसमांत जुयो ज्वी । अथेयां जिनं नेपः मि हे  
खः । उकिं जि छिगु वडाय् वयागु । जि  
ब्बा नं जिगु गाउँपालिका अध्यक्ष त्याकः  
च्यम्हा खः । नपां नेकपा माओवादी या  
केन्द्रीय दुजःनं खः । वयक वडाध्यक्षया  
ग्वाहाली कः धायो द्यूगुलिं छिकय ग्वाहाली  
फ्वं वयागु खः । छिं ग्वाहाली याडः

बियमाल ।

वयकया खाँ जिता चित्त वुभ्य  
जुल । मुसलमान जुयमः या मेपुं न्हयम्हा  
हे थजुचो ब्यू नेपः मिपिसं देया न्हयागुं थासय  
वाडः व्यवसाय याय् दः । थःगु वडाय्  
व्यवसाय न्हयाकसा नेम्हा प्यहा मनूतयता  
ज्या नं दै । विदेशय नं वानय् मालि मखु  
धायगु मतिं बुँ थुवः त्यता सःतः उगु मिल  
चलय् याकय् बियागु खः । अलय् अः उगु  
मिलया मालिकं कालबिलया भ्वं काथं धेबा  
मबिला दक उजुरी व बलय् जिता अजुचाय्  
पुसे च्वन । वयक व्यवसायी मिलनसार नपां  
मेहनतीम्हा नं खः । व्यवसायया इवलय्  
गाउँपालिकाया प्रमुख वयकया ब्बा नं छक  
वडाय् भःगु खः । जिता वयक व्यवसायीं  
कालबिल भ्वं काथं धेबा मबिइ धायगु विश्वास  
हे मरु । उकीं नीमा तामाडता मिलमालिक  
बालाम्हा मनू खः धन्दा काय मते धाया ।  
अथेनं जिगु खाय वयकपिसं विश्वास मया  
धायगु खाँ अमिगु ख्वालं धायो च्वांगु दः ।  
अलय वयक नीमा तामाड जिगु खाँ त्वालाड  
धाल - छिं धायो द्यूर्थे मील मालिक बालाम्हा  
जूसा थव भ्वं काथं बीस लाख धेबा कायो  
बिया । अलय व मनू नपां जिमिगु विश्वास  
हे मदय धुंकल । जिमिता अमिसं अप हे  
दुःख बिल । धेबा वैगु जुल धायो अप हे  
भांगः लाय धुंकल । सरं कायोबिल धः सा  
सरया गुण गुब्ले हे लुमांके मखु ।

खाँ ल्हाडः च्वं च्वं विपक्षी मुस्तफा  
टुप्लुक थंक-वल । मुस्तफा नकतिनि  
यायम्हा ल्याम्होचाम्हा तिनी । अखुनुं वडाय्  
वम्हा वया ब्बाम्हा जुइअलय पालिका प्रमुख  
वया बाज्या जुयमः । उकि मुस्तफाकय वया  
ब्बा व बाज्याया खाँ न्यडा बलय् व ब्बां  
थःता मिल स्वयगु जिम्मा ब्यू अःमिलय  
स्वम्हा केहें पूँ किजा छम्हा व मां नपां

## सचिक्षण स्वीकृतगृह ख्यप पौ. बःस्थि पौ(पाद्धिक)

च्वडः वयागु खाँ कान। ब्वाम्हा धेबाया लागिं गामय वांगु, कोरोनां ब्यापार मजूयो नीमा तताता धेबा बिय मफयागु दक धाल। पर्सा जिल्लाय् थःगु पुस्तेनी जग्गा मियो कन्हय् सुथाय् ११:०० ता इलय् तकखय् भव्यतय च्वयो तः काथंया धेबा बियगु, जग्गा नं मियगु खाँ क्व छिय धुंगुलि कन्हे सुथाय् तक न्हयाथय् याडः जूसां थःगु खाताय धेबा छ्वयो है गुलि कन्हे तकया ई फवनयैं। धेबा वलकीं है जिं छिगु टेबुलय धेबा तय हय, मखुसा चेक बिय अथेनं मखुसा निमा तताया खाताय् धेबा तयो बिय। जि बाज्या पालिका प्रमुख अलय नेकपा माओवादीया केन्द्रीय दुजः जूगुलि छिं बाज्याय् गु मर्यादा तयो दिसैं। जिपु अथय् धेबा नयो बिसे वानय पुं मखु। अलय वयकपिसं जिमिता मुस्मां, आतंकवादी, बेईमान, नुगलय हिमस्युं खाते दक गुलि वचं वाता। अथेनं गल्ती जिमिगु है खः धायो सहयाडः च्वडा। अलय धेबा पुलय धुंक अथे म्हुतु ल्हाक च्वनय मखु। वहे काथं लिसः बियगु जई।

मुस्तफा भाइ व नीमा केहेता हालय मते जक धाया वडाकार्यालय थव मुद्दा वसेलिं वडाध्यक्षया खाँ न न्यै। वडां नं धर्म, जात, राजनीति पार्टी, बिस्कं भाय् ल्हाइपूं जक पाकी मखु। भीफुक्क छगू है दे या नागरिक खः। फुक्क सिनं थःथः गु दायित्व काथं ज्या याय् मः। न्हयाम्हाहे नेपः मि पु नेपःगा न्हयागुं थास्य् वाड थःगु लजगा याय् फै। उकिं थजगु खाँ ल्हाड मच्वांसे मुस्तफा भाइ कन्हेतकया ई फवंगुलि कन्हे हिगू लाख दाँ बिई, बाकी लच्छी लिपा बिई। मेगु भव्यं जिं कन्हे दय्कः प्रमाणित याडः बिय। थौं छिकपुं भासैं धायानि नेगू पक्ष बिदा फवडः वान।

कन्हे खुनुं शुक्रवार मीनभार व नीमा ११:०० ताइलय् थ्यंकः वल अयनं मुस्तफा थ्यंकः मवः। फोन याडां थः कीर्तिपुर अस्पतलाय छम्हा इमर्जेन्सी ल्वगी ज्वडः वाडागुलि वडाय् वयगु भातियचा

लिपा लाइगु धः सेलि पिडः च्वडा बलय १:३० ता इलय जक वय फै धःम्हा २:०० बजे थ्यंकः वल। वया ब्वाम्हासिं दस लाख धेबा छ्वयो हलः जिं बैकंकायो हय् धायो वांम्हासिं २:०० बजे लिपा बैकं कालबिल याय् मखु धःगुलि आइतवार ११:०० ताइलय् धेबा ज्वड वय धाल। अलय नीमा पिन्ता आइतवार भासैं धायो बिदा बियो छ्वया।

ताइलय ब्वाम्हासिं धेबा ज्वड वगु दः धः सेलिं निमाता वहे खाँ ब्याका। अलय निमां वयागु खायैं विश्वास है मयासां पिडः च्वनयगु बाहेकं मेगु लाँपु मखाडागुलि कन्हेतकया लागिं पिडः च्वडा।

कन्हेखुनुं नं मुस्तफां धेबा ज्वडः मव अलय वया बाज्या गा.पा. प्रमुख, ब्वाम्हा मेहेबुव व वया मां म्हा सिनं

मदिक्क फोन याडः च्वन। वयक पिनिगु धापु काथं कोरोना भव्यत्वं ब्यापारय् मन्दी वगुलि वयक पिनिगु धेबा पुलय् मफायागु खः। अः जग्गा मियो पुलय धायागु लिं नेन्हू प्यन्हू लानयता अनुरोध यासे जग्गा न्याइम्हासिं धेबा तयो मध्यूगुलि काय् भाजु मुस्तफाया नामय धेबा तय मफयागुलि छुं दिन लडः बिया धःगु खाँ नीमा पिसं मानय् मजु। फोनय् ता: हाकः खाँ जुल। वया बाज्यां गा.पा. अध्यक्षपुं नं वहे खाँ दोहरय् याडः च्वंसेलिं छिं (माओवादी) केन्द्र या दुजः व जनप्रतिनिधि जूगुलि बेईमानी खाँ ल्हाय मज्यूगु खः। छिं थौं है धेबा वै धायो छ्य् म्हासिता व जिता धायो बेईमानी छाय् याडागु?

जनताया भोतं त्याकः च्वंपिसं थजगु खाँ ल्हाय् मल्व, मेपिंक्य् धेबा कःसेलिं पुलय् म्वला? नकतिनि याय् म्हा मचाता ज्याया जिम्मा बियो छिं पर्सा जिल्लाय च्वडः छ्वपय् ब्यापार याडां गति लाइला? छिं थःगु पदीय मर्यादा व राजनैतिक कार्यकर्ताया इज्जत तयो जूसां धेबा पुलय् म्वःला? थजम्हा सिनं मेपिन्ता छु ज्ञान व सल्लाह बिइगु? थःगु है समस्या ज्यंक्य् मफूम्हा सिनं कतया समस्या गथे ज्यंकी? कन्हे छिक्य् जनतां थवहे खाँ न्यनि। धेबा न्हयाथय्सां मपुसे मज्यू धायो फोन तयो बिया निमा व मिनमार जु पिन्ता जिल्ला प्रशासन कार्यालय वाडः छक खाँ ल्हाय् ता इनाप याडा।



## खप नगरपालिकाया ज्या भवः त

### मपुनिगु ल्वय अपः खानय दत

चैत्र १४ गते



खप नगरपालिका प्रमुख सुनिल प्रजापति जुं धूम्रपान व मध्यपातं क्यान्सरया ल्वगित अपल खानय् दयो वगु खाँ व्याकसे आधुनिक जीवनशैली व नयगु-त्वनयगुलिं अः पुनिगु स्वयो मपुनिगु ल्वय अपः खानय दयो वगु खाँ काडः दिल ।

खप नगरपालिकापाखं चाय्कः तःगु खप बहुप्राविधिक अध्ययन संस्थान नर्सिङ विभागया प्रविणता प्रमाणपत्र तह नर्सिङ न्हपांगु दँय २० औ व्याच्य ब्वडः च्वंपु खप नगरपालिका वडा नं ।

### क्षयरोग मजुइकेता स्वापुदःपुं नपां ज्या इवः

चैत्र १४ गते

खप नगरपालिकाया गवसालय हलि क्षयरोग दिवसया लसताय बुद्धवार ज्ञगु अन्तरक्रियात्मक गोष्ठी सं खप नगरपालिकाया प्रमुख सुनिल प्रजापति जुं खप नगरपालिकां क्षयरोग (टि.बी.) मजुइकेता स्वापुदःगु संस्था नपां मिलय ज्यो ज्या साडः वगु खाँ काडः दिल ।

स्वास्थ्य सेवा भन भन थिकय ज्यो वांगूलिं गरिवपुं वास याय मफयो सीगु अवास्था वयो च्वंगु नेपालय स्वास्थ्य उपचारयाडः दायँ डागु लाख मनूत गरिबीया धवलं क्वय लः वाडः च्वंगु, सरकारी अस्पतालबांमलासेलि छुँ बुँ मियो गरीबपुं निजी अस्पतालय मवांसे मगाडः च्वंगु, जनताता दांक भिंकः अःपूक सेवा बियगु तातुडः खप नगरपालिकां १०० गू शय्याया खप अस्पताल चाय्कः जनतानपां लाहापा स्वाडः हज्याडः च्वंगु खाँ व्याक दिल ।

९ सं यागु समुदाय नर्सिङ अन्तर्गत 'तथ्याङ्क प्रस्तुतिकरण व स्वास्थ्य सम्बन्धी 'छधा प्याखं ब्वज्या' सं वयकलं बुद्धवार मिसात व मिजंतयता उथिंगयंक व्यक्तित्व च्वजाय्केता मौका बिय मः धायोदिल । खप नगरपालिकापाखं चाय्क तःगु खप अस्पतालं मचाबुइकेगु प्रस्तुति सेवा व्यूसानिसें नगरबासीपित्ता तस्कं अःपुगु खाँब्याकसे जनताता दांकः भिंक स्वास्थ्य सेवा वियगु वचं पूवांक वयागु खाँ काडः दिल ।

ज्या इवः सं खप बहुप्राविधिक अध्ययन संस्थानया प्राचार्य डा. रत्न सुन्दर लासिवां खप नगरपालिकां चाय्कः तःगु नर्सिङ क्याम्पसं २० गू व्याच्यता नर्सिङः ब्वंकः छ्वगु खाँ व्याकसे देश्य दक्ष जनशक्ति ब्वलांकय्गु इवलय थुगु कलेजयाय नं लाहा दः धायो दिल ।

ज्या इवः सं बहुप्राविधिक अध्ययन संस्थान नर्सिङ विभागया प्रविणता प्रमाणपत्र तगिं नर्सिङ न्हपांगु दँया ब्वनामिपिसें वडा नं ९ सं यागु अध्ययन काथं सामाजिक, आर्थिक, शैक्षिक, स्वास्थ्य, रोजगारी, फोहर व्यवस्था, परिवार योजना, जनसंख्या थजगु विषयत दुथ्याक तथ्याङ्क पिब्वगु खः । ज्या इवः सें ब्वनामिपिसं स्वास्थ्यया विषयया छधा: प्याखं व सांस्कृतिक ब्वज्या नं क्यंगु खः ।



राज्य स्वास्थ्यसं निजीकरणया लाँपु ज्वंसेलि गरिब जनतां अपुक स्वास्थ्य सेवा कायमफूगु खाँ व्याकसे वयकलं निजी अस्पताल सेवा स्वयो लबः नयगु संस्था काथं हज्याडः च्वंगु खाँ काडः दिल ।

ख्वप अस्पतालया निमित्त मेडिकल डाइरेक्टर डा. मजेश प्रताप मल्लं क्षयरोग जनस्वास्थ्यया तहांगु समस्याकाथं ब्वलांगु खाँ ब्याकसे क्षयरोगी तय् गु मन च्वजाय्केता क्षयरोगया जनचेतना रवाक्यमः धायो दिल ।

स्वास्थ्य कार्यालय भक्तपूरया क्षयरोगया सोतव्यक्ति भोलानाथ पौडेलं दार्याँ दार्याँ सं मार्च २४ सं विश्व क्षयरोग दिवस डाय्किगुया खाँ काडः दिसे क्षयरोग छु खः। थाँ कन्हे थुकिया अवस्थाया प्रस्तुतीकरण क्यंगु जुल । नेपालय क्षयरोगत अः गुलि

## धालाँ खुसी फल्चा निःस्वान

चैत्र १४ जाते

ख्वप नगरपालिकाया प्रमुख सुनिल प्रजापति जुँ वडा नं १ या सल्लाधारी च्वांगु धाँलाखुसी फल्चा निः स्वाडः दिसे वयकलं सम्पदा देया सम्पति अलय म्हासिका जुगूलिं सम्पदा ल्यंकः म्वाकः तयगु सकसिया दायित्व खः धायो दिल ।

ख्वप नगरपालिकां अः तक्ख्य १४५ गु स्वयो अपः सम्पदात ल्हवनय्-कानय धुंकगु खाँ कुलः दिसे वयकलं सम्पदा ल्हवनय्



इवलय् उपभोक्ता समिति पाखं जनसहभागिता व जनश्रमदानं ज्या जुयो च्वांगु हे भीगु थःगु पहः खः धायोदिल । ख्वपया विकास ख्वपया जनता थमहै याडः वगु खाँ व्याकसे वयकलं थानाया मूर्त व अमूर्त सम्पदां याडः ख्वप दे पर्यटकपुँ छकः मवसें मगागु थाय् काथं

## सचिक्षत स्वीछगूगु ख्वप पौ. बः छि पौ(पाक्षिक)

दःगु खः व तस्कं ग्यापुगु अवस्था काडः दिसे सन २०५० तक ख्य क्षयरोग मदयकेगु तातुडा दःगु खाँ काडः दिल ।

स्वास्थ्य कार्यालय भक्तपूरया प्रमुख अस्मित ओभा व ख्वप अस्पतालया डा. रत्न सुन्दर लासिवं क्षयरोग पुनिगु ल्वय जूसां थुकिया उपचार दः धायो दिसे थव गथे पुनिगु थव गुलि ग्यापु अलय् उपचार गथे याय् गु खाँ काडः दिल । ज्या इवः सं ख्वप नगरपालिकाया कार्यपालिकाया दुजः व थीथी स्वास्थ्य केन्द्रय् ज्या साडः च्वांगु क्षयरोगया स्वापु दःपु स्वास्थ्यकः मिपु भःगु खः ।

## धालाँ खुसी फल्चा निःस्वान

हज्याडः वयो च्वांगु दः धायोदिल ।

ख्वप नगरपालिकां ख्वप विश्व विद्यालय चाय्केगु तातुडः हज्याडः च्वांगु खाँ ब्याकसे वयकलं त्वनय् गु नाः या समस्या ज्यंक्यता थाय् थासय् बोरिड याडः नाः इडः वियगु ज्या याडः वयागु खाँ काडः दिल ।

छुं नं सम्पदा दानय् गु धाय् गु हे गौरवया खाँ खः धायो दिसे वयकलं अजगु सम्पदात ल्हवनय् कानय् याडः च्वनय मः धायो दिल ।

ज्या इवः या सभाया नायो नपां वडा नं १ या वडाध्यक्ष श्यामकृष्ण खत्री जुँ वडाया विकास निर्माणया खाँ व वैगु दिनया योजना काडः दिसे नगरबासी पिनिगु साथ व गवाहलीं वडाया ज्या हज्याडः वगु खाँ काडः दिल ।

समाजसेवी कृष्ण बहादुर दुगुजुं ख्वपय त्वनय् गु नाः या मुहान गाडः वांगुलि चिन्ता प्वंकसे नाः छँ मालय् मःगु नपां ख्वपया जनप्रतिनिधिपिसं घोषणापत्रकाथं ज्या साडः वगु खाँ ब्याकः दिल ।

गुथियार सूर्यभक्त चौगुथिं फल्चा ल्हवनय्- कानय् ज्याख्य वडा समिति उपभोक्ता समिति व ख्वप नगरपालिकां म काथं गवाहली व नपांज्या सानय् ता अः पुक्क बिङ्गु विश्वास प्वंक दिल ।

**ख्वप नगरपालिकाता छ्याबलै सफा,  
सुग्धर तय् गु सकल नगरवासीतय् गु कर्तव्य खः ।**

सचिव स्वीकृत खप पौ. बःछि पौ(पाक्षिक)

## नगर प्रहरीपिन्ता मार्ग निर्देशन

चैत्र १५ गते




खप नगरपालिकां नगर प्रहरीया व्यवस्था यासे न्हपां २२म्हा ल्ययो आधारभूत तालिम ब्यूगु खः। तालिमय् दुथ्यापुं नगर प्रहरी पिन्ता खप नगरपालिकाया प्रमुख सुनिल प्रजापति जुं नगर प्रहरी जनता व नगरपालिकाया दर्थ्वी समन्वयकर्ता कार्थ ज्या साडः:

चैत्र १५ गते

खप नगरपालिका अनुगमन समितिया कजि राजकृष्ण गोराया न्हलुवाय् दूधपाटीया १२ गू बर्गर हाउस, चिकेन स्टेशन, गोष्ट हाउस व रेष्टुरायँ नेन्ह यंक अनुगमन यासे म्याद फुगु सामानत धू याडः बिल।

अनुगमनय् द बगर हाउस एन्ड क्रन्ची फ्राइड, मिलो, कान्तिपुर गोष्टहाउस लुम्बिनी गोष्टहाउस नवीकरण याय मःगु, होटल प्रिशा क्याफे गार्डेनय् भ्याट बिल छ्यलय् मःगु, ले ह्यापी दर्ता याय् मःगु भक्तपुर गोष्ट हाउस दर्ता याय्मःगु दिलिशा इन्य् म्याद फुगु सामान धू याडः बिल।



## वरिष्ठ इञ्जिनियर राजदास श्रेष्ठया लुमन्ति

यैं साँक्वया वरिष्ठ इञ्जिनियर नपों साहित्यप्रेमी राजदास श्रेष्ठ जु विहिवार मरुगु खाँ अस्पतालया स्रोतं धःगु दः।

वि.सं. २००५ सालय यैं, साँक्वय बुम्हा वयक नेपःया न्हःपां म्हा केमिकल इञ्जिनियर, सेभियत संघं उच्चशिक्षा कायो दयूगु खः। वयकलं रुस, दक्षिण अफ्रिका, संरा

जनताया भावना थुइकः ज्या सानय् मः धायो दिल।

नगर प्रहरीया ज्या नगरपालिका नपां स्वापु दैगुलिं अमिसं बांलागु व्यवहार बोली बचन, अनुशासित व इमानदार ज्या सानय्ता निर्देशन ब्यूसे वयकलं नगर प्रहरीपिसं नगरपालिकाया निर्देशन व मःकार्थ दमकल व एम्बुलेन्स थें ज्या सानय्ता तयारी जुयो च्वनय् मःगु, चिच्याक्वगु नगर जूसां अपलं पंगःतः न दःगु थाय् खः धायो दिल।

उप प्रमुख रजनी जोशी जुं खपय् नगरप्रहरी दः सेलिं व्यवस्थापन बांलाक वैगु विश्वास प्वंकसे नगर प्रहरीपुं नगरपालिकाया निर्देशन कार्थ इमानदार जुयो ज्या सानय्ता बः याड दिल।

खप नगरपालिकाया प्रशासकीय अधिकृत दामोदर सुवाल जुं नगर प्रहरीया ज्या, कर्तव्य व अधिकार काडः दिल। खप नगरपालिकाया नगर प्रहरी निरीक्षक नारायण चुवानं चैत्र १५ गते निसें नगर प्रहरीपिन्ता तालिम वियगु खाँ काडः दिल।

## अनुगमन

अनुगमन समितिया दुजः नपां वडाध्यक्ष श्याम कृष्ण खत्री (१), रोशन मैया सुवाल, ज्ञान बहादुर मानन्धर, भनपा श्यानिटेशनया नगर निरीक्षक दिलिप कुमार सुवाल, वडा निरीक्षक रामकृष्ण प्रजापति, जिल्ला प्रशासन कार्यालय भक्तपुरया हरिहर काफ्ले महानगरीय प्रहरी परिसरया प्रहरी सहायक निरीक्षक अशोक बिष्ट, राष्ट्रिय उपभोक्ता मञ्चया मनोज थापा, उद्योग वाणिज्य संघया विश्वराम दुवाल, घरेलु तथा साना उद्योग संघया सुमित्रा श्रेष्ठ, पशुसेवा कार्यालयया पार्वती योञ्जन नं भगु खः।

## अमेरिका थजगु देशय सेवा याडः, दिय धूकम्हा देशभक्त, समाजसेवी नपां नेपाल भाषा चवजायकेगु ज्या खय् न्हयलुवा जुयो दयूम्हा श्रेष्ठ जुं शंखरापुर (साँक्व) या सम्पदा ल्यंकः म्वाकः तयता आमरण अनसन च्वडः दयूम्हाखः सा उदयपुर सिमेन्ट दयकेता वयकं योगदान याडः दयूगु दः।

वयकया ब्वा तुल्सिदास श्रेष्ठ व मां अष्टमाया व जहान (तिरिमयजु) रसियाली भ्यलिन्टिना खः। वयकया नेम्हा कायपु दः। वयकया अन्त्यष्टि २०८० चैत्र १५ गते विहिवार पशुपति जुल।

सचिव स्वीकृत ख्वप पौ. बःष्टि पौ(पाक्षिक)

## देया उद्योगया जग घरेलु व साना उद्योग

चैत १५ गते



नेपाल मजदुर किसान पार्टीया छ्याङ्जे नपां संघीय सांसद प्रेम सुवाल जुं भक्तपुर घरेलु तथा साना उद्योग संघया गवसालय जूँगु 'संस्कृति संरक्षण तथा पर्यटन प्रवर्द्धनया लागि' घरेलु उत्पादन मेला २०८० या उलेज्या याड़: दिसे नेहुतक न: पुखु सिथय जुङ्गु घरेलु मेला सं घरेलु उद्योग त: त: हांगु उद्योगया जग ख: धायो दिल। थजगु उद्योगय् ३२ लाख स्वयो अप: मनूत जुयो च्वांगु दगु खाँ कुल दिसे मूँक कर्जा प्रवाह जूँगु ४८ खर्ब तका मध्ये १ खर्ब तका जक घरेलु तथा साना उद्योगया लागि ब्यूँगु दः।

वयकलं सरकारया बजेट सिद्धान्त व हदाय तयमःगुलि कृषिता तयमःगु सुभाव ब्यूँगु ख:। घरेलु तथा साना उद्योगया लिधं सा कुषि ख:। सरकारं भारतीय एकाधिकार पुँजीता दांक: बिजुली मियता भारतता हे लाय छ्ययक: जलविद्युत पिकाकय्गु हदाय तयो च्वांगु दः धायोदिसे सरकारं व्यापार घाटा १८-२० खर्ब तका थनियुङ्गाड भारतीय एकाधिकार पुँजी नपां जाथुयगु ग्याँस, पेट्रोलियम पदार्थ, दाल, जाकी, तरकारी न्याय्गु मखु, भीगु खुर्सी भीसं हे बिजुली पिकायो नेप: मिपन्ता वियम: धायो दिल।

प्रधानमन्त्री पुष्टकमल दाहाल अःलिपा भारत भ्रमण वांबलय नेप:या फुकोट कर्णाली जलविद्युत परियोजना भारतीय एकाधिकार पुँजीता बिला। कोशी, गण्डक-महाकाली व माथिल्लो कर्णाली थजगु भारतीय एकाधिकार पुँजी नपां जुँग सन्धी समझौता खारेज याय् मःगु सःथवयक च्वांगु इलय वेवास्ता याड़: नेप:या सरकारं देशधाती सन्धी समझौता याड़ वला धायो दिसे सरकार प्रमुख निसें छम्हा अधिकारीं तक हे थमन लाहाचिं तय हाँ देशधात व

जनधात जुङ्गु मजुङ्गु स्वय मःगु, बेलायती - भारत नपां सुगौली सन्धी यो वांपु नेप:या दूतपुं गजराज मिश्र व चन्द्रशेखर उपाध्याय पिसं थ: पिन्ता भारतय् जगगा जमिन कायो देशधात यात धायोदिल।

नेप: देता भारतया गाजलं दायक: तय्गु सन १९५० या सन्धी व नेप: या ल्यासे ल्याम्होपिन्ता 'भाडाया सिपाही' दयकेगु गोखा भर्ती सन्धीयापिसं नेप: या भिं मस्व। अ: द० लाख नेप: या ल्यासे ल्याम्होपिन्ता बहुराष्ट्रिय कम्पनीया दांपुं ज्यामी याय् छ्वगु द:। थुकी मध्ये २ लाख ५० हजार नेप: या मिसामस्त दुर्ब्यहारया सिकार जूँगु बुखाँ द: सांसद सुवाल धायोदिल।

वयकलं पुँजीवादी व्यवस्थां नेम्हा प्यम्हा तःमिपन्ता जक कयच्याइगु खाँ कुल दिसे गोकर्ण रिसोर्टया ३००० पी सरकारी जगगा, बाल मन्दिरया सरकारी जगगा व थःबहीया सरकारी जगगा व्यक्तिया नामय बिय धुकल। ख्वपया सार्वजनिक पुखुतनं व्यक्तिया नामय द:। स्वापु दःगु सरकारी कार्यालयया अधिकारी पुं नपां मिलय जुयो हे व्यक्तिया नामय सार्वजनिक जगगा तय यंकगु ख: धायोदिल।

वयकलं नेप: या पर्यटन उद्योगता गवहाली याइगु घरेलु तथा साना उद्योग न जुगुलिं थानाया (मैलिक/ भीगु थःगु हे ज्वलतं जुजु धौ, ताका तपुली नपां हस्तकलात च्वजायक यंकय् म: धायोदिसे थुकिता गवहाली याइगु जल, स्थल मार्ग स्थंक: पाड भारतता बिजुली मियगुलिं दक त्वह: तयो च्वांगु दः।

ख्वप नगरपालिकाया प्रमुख सुनिल प्रजापति जुं घरेलु गवस गवयो मेला घरेलु उत्पादनत पिताव्ययो, व्यापार याय् दैगु नपां ख्वपया जुजुधौ, तकातपुली, हाकुपरासी, ताइचिन बजी थजगु



हलिमयया बजारय् थ्यंकय् फःसा देया आर्थिक विकास जुइगु खाँ व्याकसे न्हयागु नं वस्तु कत देशया भरय् च्वंसेलि नेपःया उत्पादन म्हवैं जुइगु नपाँ जनताता ज्या मदैगु खाँ विचः याडः भीगु मौलिक उत्पादन हलिमय्या बजारय् थ्यंकः विदेशी मुद्रा कमेयाय्मः धायोदिल ।

ल्यासे ल्याम्होपिन्ता लाहातय् ज्या दय्कः बियगु नीति काथं ख्वप नगरपालिकां ल्यासे ल्याम्होपिन्ता उद्यमशीलता ऋणसम्बन्धी कार्यविधि नगरसभां पारित याय् धंगु खाँ व्याकसे स्वदेशी उत्पादन छ्यलय्ता अनुरोधयाडः दिल ।

ख्वपया प्रजिअ रोशनी कुमारी श्रेष्ठ जुं मिसामस्तय्ता थाकाय्गु मति वित्तीय साक्षरता व उधमशीलता प्रशिक्षण बियो थजगु भेलात याडः स्वनिगःया ताडः वानय् तांगु भीगु कला व संस्कृति च्वजायक यंकय्मः धायो दिल ।

भक्तपुर घरेलु तथा साना उद्योग संघया नायो प्रेमकृष्ण

चैत १६ जाते

ख्वप नगरपालिकाया प्रमुख सुनिल प्रजापति जुं सहकारीया दुजः पिनिगु सेवा स्वयो थःगु मेवा जक स्वःजुइपुं सहकारीत समाजय बदनाम जुजुं वयो च्वंगु दः धायो दिल ।

ख्वप नगरपालिकाया गवसालय जुगु सहकारी संस्थाया ऋण उप-समितिया पदाधिकारी पिन्ता ऋण व्यवस्थापन गथेयाय्गु धाय्गु तालिमया उलेज्या याडः दिसे नगरप्रमुख प्रजापति जुं सहकारी संस्थाया सञ्चालकपिसं इमानदार जुयो न्ह्यकनय् स्वययें पारदर्शि जुयो ज्या मसांसा संस्था इवाकलय दुनययो धायो दिल ।

व्यकलं सहकारीया दुजःत गुलि सहकारीख्य् सचेत जुइ उलि हे सहकारी सुरक्षित जुई । सकल दुजः पिन्ता सचेत याय्ता सञ्चालकपुं जुय मः धायोदिल ।

ख्वप नगरपालिकां सहकारीया दुजःपिनिगु वचत (मुडः तःगु धेबा) व ऋण लगानी सुरक्षितयाय्ता नपाँ मेपिनिगु स्वयो व्यवस्थित याडः बांलाक ख्वपया सहकारीता चाय्के बियता इलय ब्यलय थीथी तालिमत बियो वयो च्वडागु खाँ व्याकसे थौया चीन सहकारीया जगय हे दाडः वगु खाँ कुल दिले सहकारीया धेबा काल बिलख्य् जक मछ्यःसे दुज पिन्ता थःगु तुतिख्य् दानय् फय्क लाहातय् ज्या दैगु तालिमत बियागुली बःबियमः धायोदिल ।

ख्वप नगरपालिका वडा नं २या वडाध्यक्ष नपाँ सहकारी समितिया कजि हरिप्रसाद बासुकलां सहकारी मुडः तःगु धेबा

**सचिक्षत स्वीच्छगुगु ख्वप पौ. बःछि पौ(पाक्षिक)**  
खबुजां मेला याय् मःगु या खाँ काडः दिसे स्थानीय सरकारं चिच्या चिच्याहाङु उद्योग ल्यंकः म्वाकः र तय्ता विचः यायमः धायोदिल । नपाँ ख्वपय् ‘कोसेती घर’ दय्के मःगु, थानाया मौलिक वस्तुता ल्यंकः तय्ता बः याय्मः धायोदिल ।

ज्या इवःसं पत्रकार महासंघ भक्तपुरया नायो जगत प्रजापति, भक्तपुर घरेलु तथा साना उद्योग संघया न्हपायाय्म्हा नायो चन्दन कृष्ण बाडे, उद्योग तथा वाणिज्य कार्यालयया कार्यालय प्रमुख आशिष दाहाल, व भक्तपुर पर्यटन विकास समितिया छ्याज्जे दिपेश बैंजु पिसं नं मेलायाय् मःगुया खाँ काडः दिल । ज्या इवः लिपा मू पाहाँ व पाहाँपिसं मेला स्वयो दिल ।

संस्कृति ल्यंकः म्वाकः तय्ता, पर्यटन प्रवर्द्धनता घरेलु उत्पादन मेला २०८० उद्योग तथा वाणिज्य कार्यालयया सहकार्य अलय भक्तपुर पर्यटन विकास समितिया मंकलय जुगु खः । थव नःपुखू सिथ्य् द्वाँ वय्ता धेबा म्वायकः जूगु खः ।

## ऋण व्यवस्थापन तालिम

मब्यूसें बिसे वांगुलिं गुलिं मनूतय्सं आत्महत्या यागु बुखाँत प्याहाँ वयो च्वंगु दः धायोदिसे सहकारी मूनय् हःगु सामुदायिक विकास कोषया धेबा समूदायता भियाय्गुलि हे खर्च याडः च्वंगु खाँ काडः दिल ।

ऋण व्यवस्थापन तालिमया सहजकर्ता बासुदेव भट्टराईजुं ऋण वियगु व पुइकेगुलि सहकारी संस्था बिचः याय् मःगु खाँ काडः दिल ।



ज्या इवःसं सहकारी समितिया दुजः नारायण प्रसाद त्वानाबासुं तालिम छाय् कायमःगु खाँय स्पष्ट याडः दिल ।

तालिमय ख्वप नगरपालिका दुनय्या २४ गू स्वयोअपःया सहकारी संस्थाया ऋण उपसमितिया कजिपुं व दुजःपुं भःगु खः ।

चैत्र १५ जाते

## कर्मचारी हानय ज्या



नेपाल मजदुर किसान पार्टीया नायोभाजु नारायण मान बिजुक्छ (रोहित) जूँ ख्वप नगरपालिका ३० दा सेवा याय् धुंकपुं व सेवा निवृत्त कर्मचारी पिन्ता शुक्रवार हनापौ लःल्हाड हानयज्या यागु जुल ।

नेपाली नगरपालिका कर्मचारी एशोसियसन भक्तपुर नगरपालिका समितिया रवसालय जुगु उगु ज्याइवः सं लाँपु क्यनयगु ज्या याडः दिसे मूपाहाँ विजुक्छ जूँ संस्थाता मधिभिंगुज्या याइपिन्ता दण्ड जरिवानाया व्यवस्थायाय् मःगु खाँ ब्याकसे जनतां सरकारता पुलय् मःगु कर इलय् हे पुलय् मः धायो दिल । अवकाश काय धुंपुं कर्मचारीपिसं अवकाश लिपा जीवन नं क्रियाशील जुयो सामाजिक ज्या इवः खय् छ्यलय्ता कुलः दिसे वयकलं कर्मचारीपिसं बिचः याडः ज्या सानय मफूसा संस्थाता बामलागु काथं स्वइगु खाँ काडः दिल ।

ख्वप दे देयाय् हे चिच्याक्वगु जिल्ला जुगुलिं ख्वप दे टेष्टट्यूव काथं विकास याय फःगु खाँ ब्याकसे ख्वप देता अज स्प्यलागु विकास याडः हछ्यय मःगु खाँ काडः दिसे वयकलं सहकारी संस्था तय्सं सहकारीया मर्म व भावनाकाथं ज्या सानय मफूगुलिं अः अपलं जनतात सहकारी पीडित जुयो च्वंगु खाँ ब्याकसे जनताता सहकारी शिक्षा बियमःगु खाँ नं काडः दिल ।

ज्या इवः सं ख्वप नगरपालिकाया प्रमुख सुनिल प्रजापति जूँ कर्मचारीत बालासा जनतां अःपुक सेवा काइगु खाँ ब्याकसे संस्थाता मखुगु लायँ मवांक्यता कर्मचारी पिन्ता लाहा दै धायोदिल ।

कर्मचारीपुं राजनीतिक प्राणी नं जूगुलिं देशय् जूयो च्वंगु थीथी राजनीतिक ज्याइवः तः नं थुइक च्वनय्मः धायो दिसे वयकलं

कर्मचारी पिसं न्ह्यलुवापुं नपां मिलय् जूयो जनप्रतिनिधिपिन्ता नीति व निर्देशन पालना याडः हज्यासा संस्था बालाकः हज्याइगु खाँ काडः दिल ।

ख्वप नगरपालिका या उपप्रमुख रजनी जोशी जनप्रतिनिधि व कर्मचारी पिन्ता मंकः ज्याखं व लाहापा स्वाडः हज्यागुलिं ख्वप दे नमूना नगरकाथं म्हासिइका पिब्बयफःगु खाँ ब्याकसे जनताया भावना थुइक ज्या सानय्ता कर्मचारीपिन्ता लाँपु क्यडः दिल ।

नेपाल नगरपालिका कर्मचारीया, एशोसियसन भक्तपुर नगरपालिका समितिया नायो गौतमप्रसाद लासिवं राजनैतिक रूपं सचेतपुं कर्मचारी पिसं जक देश व जनताया भिं ज्या याय् फैगु खाँ ब्याकसे कर्मचारीपिसं अध्ययन मदिक्कयाय् मःधायोदिल । भ्रष्ट कर्मचारी पिन्ता पाख्योतयगु ज्या शासकपिसं याडः वयो च्वंगु खाँ कुल दिसे वयकलं ख्वप नगरपालिकां संघीयताया सफल अभ्यास याडः वगु खाँ काडः दिल ।

ख्वप नगरपालिकाया प्रशासकीय अधिकृत दामोदर सुवालं ३० दाया थःगु अनुभव काडः दिसे कर्मचारी पिन्ता देश व जनताप्रति दत्तचित्त जुयो ज्यासानय् मः धायोदिल ।

ज्या इवः सं ख्वप नगरपालिकाय् ३०दा सेवा पू वांकपुं १५ म्हा व सेवा निवृत द म्हा याडः २३ म्हा कर्मचारी पिन्ता मुपाहाँ बिजुक्छ जूँ हनापौ व नगर प्रमुख प्रजापति जूँ स्वाम्ह बियो हाडः दिल ।

ज्या इवः सं कर्मचारी एशोसियसनया विकास प्रजापति लसकुस न्वचु तयो द्यगू खः सा राजेश दिष्टिं नं न्वचु तयो द्यगू खः ।

## स्वास्थ्य कःमिपिसं जनताया सेवा हदायतयो ज्या सानय् मः

वैत १० गते



नेपाल मजदुर किसान पार्टीया नायो भाजु, वरिष्ठ राजनीतिज्ञ नारायणमान विजुक्छ (रोहित) जूया मू पाहाँलय खप अस्पतालय ज्या साडः च्वांपु स्वास्थ्यकः मि. व कर्मचारीपिनि दथ्वी नपालय् ज्या इवः नपां विक्रम सम्वतया न्हाँगु दँ २०८१ या भिन्तुना ज्या इवः शनिवार काभ्रेया नगरकोट्य् जुल ।

ज्या इवः सं मूपाहाँ बिजुक्छ जुं पैंजीवादी व्यवस्थां जनताता भिं मयाङ्गु खाँ व्याकसे न्ह्यगांतु प्रवेश सरकारं सुविधां जःगु अस्पताल दय्केमःगु नपां छगू छगू जिल्लां छम्हा मिसा मचाता सरकारं छात्रवृतिवियो एमबीबीएस ब्वकंय् मःगु खाँ कुल दिल ।

नायो भाजु बिजुक्छ जुं 'क्यबाली डाक्टर ६०गू देशय स्वीद्व स्वयो अपसिनं ज्यासाड, च्वांगु खाँ कुलः दिसे नेपः या डाक्टरत धेबायालाग्नि विदेशय् वांगु विदम्बना (दुःख) या खाँ खः धायोदिल । वयकलं स्वास्थ्यकः मि पिसं जनताया सेवाता हदायतयो ज्या सानय्मः गु नपां ल्वगिपिन्ता नाइकः (नम्र) व बालाक नुवाड (शिष्ट) स्वास्थ्यसेवा वियमः धायोदिल ।

खप नगरपालिकाया प्रमुख नपां अस्पताल व्यवस्थापन समितिया नायो भाजु सुनिल प्रजापति जुं खप नगरपालिकाया जनप्रतिनिधिपिसं निर्वाचनया इलय जनताता वियागु बचं, घोषणापत्रय च्वयागु काथं १०० गू शेय्याया अस्पताल, वडावडाय् स्वास्थ्य सेवा चायकः वयागु खाँ काडः दिल ।

खप अस्पतालय् सेवात ताँ तां अज बालाक सेवात वियगु मतिं सकल अस्पतालय् ज्या साडः च्वांपु हज्याय्मः धायोदिसे निजी अस्पतालत व्यापार याय्गु थाय् जुयो च्वांगुलिं सामूदायिक अस्पतालं बालाक, भिंकः सेवा वियमःगु खानय् दः धायोदिल । जनतां ब्यूगु सुभाव काथं अःलिपा नं खप अस्पतालं विशेषज्ञ सुविधात तां तां वानय्गु खाँ व्याकसे खप अस्पतालं बिङ्गु सेवा सुविधा सिइकेता थी

थी स्थानीय तहया जनप्रतिनिधिपु स्व भायो च्वांगुलिं देयाय् हे ७५३ गू स्थानीय तहयाय् हे इकलय च्वजःगु, व्वस्यलागु काथं हछ्यायता स्वास्थ्यकःमिपु हदाय लाक ज्या सानय्मः धायोदिल ।

खप नगरपालिकाया उपप्रमुख रजनी जोशी खप अस्पतालय् ज्या साडः च्वांपु स्वास्थ्यकःमिपिसं यच्चुगु मनं इमानदारजुयो नगरबासीपिन्तगु सेवा याय्मःगु खाँ व्याकसे सकलसिया साथ व गवाहालीं स्वच्छ सुसंस्कृत व सभ्य समाज दयके फै धायोदिल ।

वयकलं सुचुकुचु व पर्यावरण नपां स्वापु दैगु जात्रा, नखाच्छावा व उकिया महत्व काडः दिल ।

वागमती प्रदेशया, सभासद सृजना सैंजुं छु नं पेशा राजनीतिनपां बिस्कं जुय मफैगु खाँ व्याकसे न्ह्यलुवापिसं खपदेया लिपा थ्यंक्या खाँ विचःयाडः हज्यागु खाँ ज्यां खप अस्पताल दःगु उकिता बालाक हछ्याय्गु न्हँगु पुस्ताया कर्तव्य खः धायो दिल ।

वयकलं घच्यापुगु राजनीति धाय्गु पद्या लोभय् लुकुं विडः जुइगु खः धायोदिसे अः वागमती प्रदेशय् च्वडः च्वांपु नपां सत्ताय्, च्वडः च्वांपु पद्या निति खिचा ल्वार्थे ल्वाडः च्वांगु दुर्भाग्य खः धायोदिल । नपां वयकलं प्यालेस्टिनी जनताता दुःख जुगू इलय नपाँ चिकित्सकपिसं सेवाभावं थःग् ज्यानया पर्वाह मयासें ज्या याय्गु व्वस्यलाङ्गु खाँ काडः दिसे चिकित्सकपिसं च्वःज गु नैतिकता ज्वडः, इमानदार जुयो ज्या सानय्मः धायोदिल ।



ज्या इवः सं खप ईञ्जनियरिडः कलेजया प्राचार्य सुजन माक, खप कलेज अफ ल या प्राचार्य अनिता जधारी, खप अस्पतालया निमित्त डाइरेक्टर मजेश प्रताप मल्ल, इन्टरनल मेडिसिनया डा. अमर प्रजापति व डा. रत्न सुन्दर लासिव पिसं नं न्वचु तयो द्यूगु खः ।

सचिव स्वीकृत खप पौ. बः छि पौ(पाक्षिक)

## खपय शिक्षा व स्वास्थ्य हःनय

चैत १७ जाते

खप नगरपालिका वडा नं. ९ या ग्रामसालय शनिवार मचा छैं या जाँच (पापस्मेयरया जाँच) व दुरुप्पया जाँचया शिविर जुल । खप नगरपालिका पाखं चायकः तःगु खप अस्पताल व भक्तपुर क्यान्सर अस्पतालया प्राविधिक ग्राहालीं जुगु उगु शिविरया उलेज्या नगरप्रमुख सुनिल प्रजापति जुं याडः द्यूगु खः ।



ज्या इवःसं नगर प्रमुख सुनिल प्रजापति जुं निर्वाचनया इलय स्वास्थ्यनपां स्वापु दःगु जनता नपां याडागु डागू प्रतिबद्धतात पूवांगु खाँ व्याकसे शिक्षा व स्वास्थ्य उपचार सेवाता हदाय तयो वयागु खाँ काडः दिल ।

वयकल खप अस्पतालता जनताया अस्पतालकाथं हज्याकय्यु इवलय् सुविधात तां तां जनता नपां यंकय्यु इवलय वडा वडाय् शहरी स्वास्थ्य केन्द्रत चाय्केगु अलय् छैं छैं नर्सिङ सेवा

न्ह्याकः वयो चवडा ।

सरकारी अस्पतालत बांलासा निजी किलनिकता अथेह बन्द जड्गुखाँ व्याकसे प्रमुख प्रजापति जुं नागरिकया स्वास्थ्य सेवा राज्यया दायित्व जुयमः धायोदिसे नेपाल मजदुर किसान पार्टी जनताया पृथ्वी ब्लांगु अलय् जनताया भिं ज्याखय् मदिकक न्ह्याडः वयो चवंगु खाँ व्याकले वयकलं समाजवादी आदर्श काथं खप नगरपालिकाया जनप्रतिनिधिपिंस इमानदार जुयो जनताया सेवा याडः वगु खाँ काडः दिल ।

खप नगरपालिका वडा नं ९ या वडाध्यक्ष रबिन्द्र ज्याखवं स्वस्थ नागरिक (उत्पादनमूलक) ख्यैं छैगु ज्याखय् हज्याय मःगु नपां समाजया आर्थिक सामाजिक हुयोपा हयता स्वस्थ जुयमः धायो दिल ।

नगरपालिकां जनताया स्वास्थ्यया खाँ थुइके बियता मदिकक स्वास्थ्य शिविरता त तं वगु खाँ काडः दिल । कार्यपालिकाया दुज, छोरी मैर्याँ सुजखु मिसातय्सं ल्वयया खाँ मकासे सुचुक तय मज्हूगु खाँ व्याकसे ल्वय इलय् हे वास याय् फःसा बांलाइगु खाँ नं काडः दिल ।

भक्तपुर क्यान्सर अस्पतालया चिकित्सक डा. त्रिसला बसीं मचाँच्या क्यान्सरया खाँ कांसे थुकिता इलय हे उपचारयासा लानिगुखाँ काडः दिल । वडा नर्स दिव्या सुवाल पापस्मेयर जाँच गथेयाइगु धायगु खाँ काड दिल । शिविर स्थानीय दतात्रय आ.विद्यालयया हःनय् सुथाय सिया दः०० ता इलय् निसें जूगु खः ।

## बिस्काजात्राया बैठक

चैत १९ जाते

खप नगरपालिकाया प्रमुख सुनिल प्रजापतिया नायो सुई हःनय वयो चवंगु खपया लोकहवागु बिस्का जात्रा, सभ्य, भव्य व शान्तिपूर्ण ढह्गं डाय्केता सोमबार स्वापु दःपु नपां नगरपालिकाया सभाकक्ष बैठक चवन ।

बैठकसं प्रमुख प्रजापतिं २०८०/८१ या बिस्का जात्रा इलय् हे तस्कं बांलाक डाय्केता स्वापु दःपु सकलसिनं थःथःगु थासं मः काथंया ग्राहाली याडः दियता इनाप यासे बिस्काजात्रा बांलाक डाय्केता खप नगरपालिकां ग्रसः काडः दिल ।

वयकलं चैत २७ गते निसें २०८१ बैशाख ५ गते तक न्ह्याइगु च्याचा गुन्ह्या बिस्का जात्रा सांस्कृतिक नगरया गौरव याय लाइकगु लोकहवागु जात्रा खः धायोदिसे इलय हे न्ह्याकः इलय हे वयचाय्केता बः याड दिल ।

उपप्रमुख रजनी जोशी खपया ऐतिहासिक नपां सांस्कृतिक महत्व कःघाडः चवंगु बिस्का जात्रा इञ्जिनियारिडया ल्याखं जःगु नपां स्थानीय जनता थःगु धायगु भावनां कःघाडः तःगु खः धायोदिल ।

जिल्ला प्रशासन कार्यालय भक्तपुरया प्रजित रोशनी कुमारी

श्रेष्ठ बिस्का जात्रा मौका व चुनौती नेतां दःगु खाँ व्याकसे गुथि संस्थानया तालिका काथं जात्रा इलय हे वयचाय्केता सकल सिनं ग्राहाली याय्मः धायोदिल ।

वयकलं बिस्का जात्राया इलय जात्रा जुइगु थासय थ्वै ऐला थजगु मदिरा जन्य वस्तुत मिइके मव्यसा बांलाइला धायो दिसे जात्राया इलय नगरया शान्ति सुरक्षाखय् जिल्ला प्रशासन कार्यालयं संवेदनशीलजुयो ज्या सानयगु खाँ काडः दिल ।

गुथिसंस्थान खपया प्रमुख खिमा ओलीं गुथिसंस्थानं अःतकया ज्यात काडः दिसे गुथिसंस्थानं पिछवगु तालिका काथं न्ह्याकय् फःसा जात्रा बांलाई धायो दिल ।

वडा नं ५ या वडाध्यक्ष योगेन्द्रमान बिजुक्छैं, वडा नं ४ या वडाध्यक्ष उपेन्द्र सुवालं जात्रा यकिगु लाँपूर्ई सुचुकुचु व सचेतना ज्या इवः जुइगु खाँ काडः दिसे जात्राय् म्वः मरुगु ज्या याडः जुइपु मनूतय्ता कडा सजायया व्यवस्था याय्मः धायोदिल ।

बैठकय खप नगरपालिकाया जनप्रतिनिधि, राष्ट्रिय अनुसन्धान विभाग, सशस्त्र प्रहरी बल, नेपाल टेलिकम, काठमाण्डौ

## सचिव स्वीकृत खप पौ. बःछि पौ(पाक्षिक)



उपत्यका खानेपानी लिमिटेड, नेपाल विद्युत प्राधिकरण, नेपाल रेडक्रस सोसाइटी, भैरवनाथ जात्रा सहयोग समिति, अस्पतालया प्रतिनिधि व जात्रा नपां स्वापु दःपुं दुथ्यागु खः । बिस्काजात्रा व्यवस्थापनया खाय॑ थःथःगु थासं ग्वाहाली व तयारी या खाँ बैठक्य पिढ्ययो दिल ।

**खप नगरपालिकां बिस्का जात्रा न्ह्याक्यगु खाय॑ स्वापु दःपुं नपां क्वःछ्यगु खाँतः:-**

- १) थुगुसिया विस्का जात्रा शान्तिपूर्ण व तःजिक हान्यता जात्रा जुइगु फुक्क थासय सुचुकुचु व मःकाथंया व्यवस्थापन व प्रचार प्रसार नपां मिलय् जुयो ज्या नगरपालिकां यायगु खाँ क्वचित् ।
२. बिस्का ज्वःछि नगर दुनयथा शान्ति सुरक्षायाजिम्मेवारी जिल्ला प्रशासन कार्यालय भक्तपुर व जिल्ला प्रहटी परिसर भक्तपुर नपां सुरक्षा निकायता बियगु खाँ क्वः जित ।
३. बिस्का जात्रायाय् जूइगु फुक्क पुजा-आजा व जात्रा इलय हे न्ह्याकः क्वचाय्केता मः काथंया ज्या गुथिसंस्थान शाखा कार्यालय भक्तपुरता जिम्मा बियगु खाँ क्वः छित ।
४. विस्का जात्रा नपां स्वापु दःगु पुजा-आजा व मकाथं तयारी यायता भैलनायोपुं जात्रा व्यवस्थापन समिति व स्वापु दःगु वडा कार्यालयता जिम्मा बियगु खाँ क्वचित् ।
५. विस्का जात्रा न्ह्याकिगु फुक्क लागाय् च्वंगु तार, केबुल व फाइबर नेटया केबुलत व्यवस्थित यायता स्वापु दःपुं सेवा प्रदायक पिन्ताजिम्मा बियगु अमिता मःगु पौ च्वयगु जिम्मा नगरपालिकां कायगु खाँ क्व छित ।
६. विस्का जात्रा न्ह्याइगु दिनय नगरया फुक्क अस्पतालया एम्बुलेन्स, दमकल व विपद पूर्व तयारीया सामानत मःथाय मः काथं तयो तयगु, नेपाल रेडक्रस सोसाइटी मः काथं व्यवस्था यायगु नपां

## राष्ट्रिय सहकारी दिवस

चैत्र २० ज्ञते

‘सहकारी सुशासन : प्रविधि व एकीकरण’ धायगु नारा ज्वःछि: ६७ कगु राष्ट्रिय सहकारी दिवसया लसताय भक्तपुर जिल्ला बचत तथा ऋण सहकारी सदृश लिया ग्वसालय जगू नसंचाहुलय ज्या इवः तःमाही जुगुलि खप नगरपालिकाया प्रमुख सुनिल प्रजापति जुं सहकारी पाखं व्यवस्थालागु खपदे दिय्केता सहकारीकः मि पिसं कुतः यायमः धायो दिसे सहकारी खराब मनूत दुमकायमःगु सल्लाह व्यूसे मेथाय् स्वयो खपय सहकारी बांला धायो दिसे भिन्तुना नं देहयो दिल ।

खप नगरय् बहुउद्देश्यीय सहकारी संस्थातयता दुमकायता पाडः वयागु खाँ व्याकसे सहकारीता विश्वास वांकः बालाक हछ्यायमः धायो दिसे वयकलं सहकारीया सिद्धान्त कः घाउ सकल दुजः पिन्ता भिं जुइगु काथं ज्या याय् मः नपां ख्यैं छैगु थासय् लाय छ्यलः फुक्कसिया

अस्पतालया इमर्जेन्सी वार्डय् स्वास्थ्य कःमि पिन्ता सतर्क याडः तयगु खाँ क्व छित ।

७. बिस्का जात्राया इलय् अपलं हल जुइगु दिनय् चैत्र ३० वैशाख १ व ४ (२०८१) गते नेपाल स्काउट्या ग्वाहालमिपिन्ता छ्यलः मःगु व्यवस्था यायगु ।
८. बिस्का ज्वःछि लाय॑ सवारी साधन व्यवस्थित यायता ट्राफिक कार्यालय भक्तपुरता जिम्मा बियगु ।
९. बिस्काजात्रा बालाक डाय्केता नगरबासीपुं व संघ संस्थात मुक चैत्र २७ गते सुथाय ७:०० ताइलय निसे दतात्रयं सद्भाव याली याड, तःमाही सभा याड, क्वचाय्केगु । उकिता मःकाथंया व्यवस्था नगरपालिकां यायगु ।
१०. जात्रा ज्वःछि नगरपालिकाया मू-मू थासय् थव॑ ऐला थजगु लागु पदार्थ व मदिराजन्य वस्तुत मिहके मबियगु ।
११. त्वनयगु नाः या व्यवस्थापन के यू के एलता व विद्युत मता च्याक्यगु लिं छुं समस्या मव्यकेता नेपाल विद्युत प्राधिकरण भक्तपुरता जिम्मा बियगु खाँ क्वः छित ।

## सं नसंचा हुलय ज्याइवः

भिं जुइगु ज्या यायमः धायोदिल ।

नेपः या जलस्रोत भारतं लाक यंक सेलिं नेपः या अर्थतन्त्र नं लाक कायगु कुतः याडः यायो च्वंगु लिं भारतया भरय् म्वाय मालिगु वयकलं चिन्ता प्वंक दिल ।

भक्तपुर जिल्ला बचत तथा ऋण सहकारी संघया नायो कृष्ण गोविन्द लाखां सरकारं आर्थिक विकासया लागि सहकारी धायो सहकारीत तःगु छगू तुं याडः मर्जयाय् तांगु मिलय मजू धायोदिसे सहकारी धेबा काल बिल याइगु थाय् जक मखु सामाजिक संस्था पाखं हछ्यायमः धायोदिल । संघया छ्याङ्जे नपां नगर समन्वय उप समितिया कजि जगन्नाथ प्रजापतिजुं सहकारी दिवस डायके मःगु या खाँ काडः दिल ।

नसंचा हुलयगु ज्या इवः दृधपाटी (१) व कमलविनायक (१०) याडः नेथाय् नं न्ह्याकः तःमाही ज्या इवः जूगु खः ।

सचिव स्वीकृत ख्वप पौ. बः छि पौ(पार्किंग)

## बैद्धक व वित्तीय संस्थात पूँजीपति तथा हिनुलि

घैत्र २० ज्ञते



नेपाल मजदुर किसान पार्टीया नायो नारायण मान बिजुक्तुँ (रोहित) जुँ बैद्धक व वित्तीय संस्थात पूँजीपतिवर्गया हिनुलि जूँगुलि अजगु संस्थां ज्यासाडः नैपुं वर्गया भिंजुडगु स्वयो पूँजीपति वर्गया भिंयाइगु खाँ काडः दिल ।

ख्वप नगरपालिकाया गवसालय जूँगु ६७ कगु राष्ट्रिय सहकारी दिवसया लसताय गवसः गवगु प्रवचन ज्या इवः सं वयकलं सहकारी संस्थाया मू समस्या धायेगु आना जुँडगु भ्रष्टाचार व आर्थिक अनियमितता खः धायोदिसे सहकारी संस्थाया जगय् थौं चीन आर्थिक व सामाजिक विकास यागु खाँ काडः दिसे चीनया सहकारी संस्थात खुल्ला विश्वविद्यालय काथं न्ह्याकः तःगु, बुँज्या व ख्यैं छैगु थासय लाय छ्यलय्गु नपां व्यापक जनताता सचेत व छप्पा छधियाडः वगु खाँ काडः दिल ।

सहकारीस ठग्य याक च्वपिनिगु धेबा लिताबियेगु व धनया सुरक्षा याडः बियेगु दायित्वं सरकारचुक्य जूँसेलिं लाखौं सर्वसाधारण तथागु थमनं मुडः तःगु धेबा ब्वइथैं च्वंगु खाँ व्याकसे वयकलं समुदायया लिधंसाय चायकतःगु सहकारी संस्थात धेबा काल बिल ख्य् जक लिकुडः मच्वंसे गरिब जनताया गवाहालिमि काथं ज्या याय्मः धायो दिल ।

गुलिं सञ्चालकतय्गु कुमतिं याडः ह्वकदुडः वांगु खाँ व्याकसे वयकलं ख्वपया सहकारी संस्थातयसं सामाजिक ज्या इवः त न्ह्याकसे, स्वास्थ्यलागा थाकालिपुं नागरिक पिन्ता स्वयो 'आदर निकेतन' चायकेगु, गरिवपिन्ता छात्रवृति, साफुत पिथना, लाहातय ज्या दैगु तालिमत बियो दुःःपिनिगु भिं ज्याख्य् छ्यलय्गु लसकुस याय लाइकगु पला खः धायो दिल ।

ख्वप नगरपालिकाया प्रमुख सुनिल प्रजापति जुँ सहकारी संस्था बैद्धक व वित्तीय संस्थां थैं जक ज्या सानय् मज्यूगु खाँ कुलः

दिसे समुदायया भिं जुँडगु व फुक्क समाज हज्याकय्गुलि सहकारीया तहांगु लाहा दै धायो दिसे अपलं सहकारी संस्था तयसं ख्यैं छैगु थासय लाय छ्यलय्गु स्वयो घरजगा लाय् छ्यःगु खानय् दःगु, ख्वप नगरपालिकां जनताया धेबा सुरक्षित यायेगुलि संवेदनशील ज्यो ज्या साडः च्वंगु खाँ काडः दिल ।

ख्वप नगरपालिकां सद्भक्तया इलय सहकारी संस्थात नपां मिलय ज्यो ज्या साडः वगु खाँ व्याकसे वयकलं सहकारी मचात व थाकालिपिन्ता स्वयो ज्या इवः न्ह्याक्य् मः धायोदिल ।

वागमती प्रदेश सभाया दुःः सुरेन्द्रराज गोसाइँ जुँ गरिब जनताया आशा व भरोसा केन्द्र काथं दयकगु सहकारी संस्थात सद्भक्तग्रस्त जूँसेलिं सहकारीता अविश्वास याडः, हःगु खाँ कुलः दिसे समाजता बौद्धिक रूप च्वन्ह्याकय्ता साहित्यिक ज्या इवः त यायां यंकय् मःगु, देशय् राजनीतिक व आर्थिक लागाय् सद्भक्त वगुलि देता (अपूरणीय) तच्वगु क्षति जूँगु खाँ काडः दिल ।

सहकारीं ठगीयाता धःपिन्ता हे च्वयया ओहदाय थ्यंकिगु राजनीतिक ल्खं दे भन गालय क्वफावाय यंकगु खाँ काडः दिसे वयकलं सहकारी इमानदार व न्ह्यकनय स्वयें पारदर्शीय जुयो समाजय् ह्यूपा ह्यता ज्या याय्मः धायो दिल ।

ख्वप नगरपालिकाया उप प्रमुख रजनी जोशी सहकारी संस्था जनताया मां ब्वा (अभिभावक) थैं ज्यो गरिब जनताया गवाहालीमिथैं ज्या सानय् मःगु खाँ व्याकसे सहकारी संस्था निःस्वांगु ६० दा फुय धुडानं अजनं सहकारी सं अपलं समस्या ब्वलाडः च्वंगुलि चिन्ता प्वंकदिल ।

भक्तपुर जिल्ला बचत तथा ऋण सहकारी संस्थाया नायो कृष्ण गोविन्द लाखां सहकारी पलिस्था यागु खाँ कुल, दिसे आर्थिक अनुशासन व सहकारी सिद्धान्त कः धाडः च्वंगु संस्थाय् समस्या मरुगु, सहकारी सुशासनय् न्ह्याक्य् मःगु, सहकारी एकीकरणया नीति मिलय मज्जु धायोदिल ।

ख्वप नगरपालिकाया प्रमुख प्रशासकीय अधिकृत वसन्त भट्टराई जुँ सहकारी संस्थात वित्तीय सद्भक्तया इलय भिंम्हा पासा खः धायोदिसे थौं कन्हे न्हूँगु समस्यात पिज्वयो च्वंगु खाँ काडः दिल ।

उगु ज्या इवः सं ख्वप नगरपालिका वडा नं २ या वडाध्यक्ष नपां सहकारी समितिया कजि हरिप्रसाद बासुकला, सहकारी अनुगमन समितिया हरिरत्न गोखाली व नारायण प्रसाद त्वानावासुं न न्वचु तयो द्युगु खः ।

सचिव स्वीकृत खप पौ. बःछि पौ(पाक्षिक)

## सद्भाव च्याली

चैत्र २७ जाते



खप नगरपालिकाया रवसालय थुगुसीया बिस्का जात्रा शान्तिपूर्वक बालाक हानयता वडा नं.१ निसे ५ वडाया सकलै वडा नं.१ या इनागः निसे व ६ वडा निसे १० वडा तकया दतात्रय (९) वडानिसे मुडः च्याली तः मारी क्वचाय्कगु खः ।

उगु सभासं नेपाल मजदुर किसान पार्टीया छ्याङ्जे नपाँ संघीय सांसद प्रेम सुवालजुँ मानव सभ्यताया ताकी गां हःगु संस्कृति, भीपुखार्या गौरब खः भीगु सम्पति खः । थुकिता भीसं ल्यंकः तय्मः । नखाः चखा, दाफा भजन, वास्तुकला देगःत, पुखु, ल्वहँहितः, मथ भीगु संस्कृति व सम्पदा खः । गुलिसिनं न्हि व चाः उथिं ग्यंगु दिन विषुवकाल बिस्का जात्रा धाल । जिगु संस्कृति प्रकृति नपाँ स्वापु दःगुलि प्रकृति मरुसा संस्कृति स्वाइ मखु धायो दिल ।

वयकलं स्वनिगःया भी मरुसा थाना संस्कृति नं स्वाइ मखु । स्वनिगः नेपःया सांस्कृतिक केन्द्र खः । थुकिता ल्यंकः स्वाकः तय्ता शिक्षा मःगुलिं खप नगरपालिकां कलेजत चाय्कः देशां देखिया ब्वनामिपिन्ता ब्वंक वगु खाँ ब्याकसे खप विश्व विद्यालयया विधेयक पारित याःसा न्हूँगु पुस्ताता सुसंस्कृत याय्ता रवाहाली जुई धायो दिल ।

बिस्का जात्रा देशांदेखिया मचाखाचा निसे बुहाबुही थ्यंक

स्वः वइगुलिं स्वापु दः पिसं बालाक रवाहाली याय् मः धायोदिसे वयकलं नेपाल वायु सेवा निगमं ५० अर्ब त्रृणदःगु खाँ धःगु सरकारंया जमानी कर्मचारी सञ्चय कोष व नागरिक लगानी कोषं धेबा त्याय् कायो नेगः वाइडबडी जहाज न्यागुली न्हपां द खर्बतका भ्रष्टाचार जुला धःगुलि प्रतिनिधिसभाया सार्वजनिक लेखा समिति साढे चार अर्बतका भ्रष्टाचारया खाँ प्याहाँ वल । अः अल्तियारं १ अर्ब ३७ करोड भ्रष्टाचार जूगु द्वपं नपाँ ३२ म्हा नेपाली व च्याम्हा विदेशीता विशेष अदालतय् मुदातला । अः निगमया कर्मचारीपिसं थाना त्याड तःगु धेबाया व्याज अपः जूगुलिं विदेश दांक व्याज डेढ खर्ब तका त्याडः अमिता पुलय्गु खाँ जुयो च्वांगुलिं थुकीं उपनिवेश जूइगुलिं सतर्क जुयमःगु, मेलम्ची नाः ह्यता ६३ अर्ब तका दां एशियाली विकास बैदूक त्याडः हःगु अः मुख्य प्रवेश द्वारं पाँचां ल्हाःक व्यूगुलिं ४-५ अर्ब धेबा खर्च याडः भातिचा च्वय दय्केगु खाँ ल्हाडः च्वांगुलि स्वनिगलय बसाइसराइ दिकः स्वनिगः या डाँडा काँडाय् नाः पिलहवइगु सिमा पिसा १ अर्ब हे धेबा खर्च मजुइगु खाँ ब्याकसे अः स्वनिगः या प्रदुषणं न्हिं नेवता चुरोट सालागुति ग्यंगु खाँ सः स्यू पिसं धायो च्वांगु खाँ काडः दिल ।

वयकलं नेपालय् विद्युतपिकःगु ११२ दा दः सां नेपःया फुक्क खुसीया नाः कत देशता व्यूसेलिं भीगु नाः या अधिकार नपाँ

## सचिव स्वीकृत खप पौ. बः छि पौ(पाक्षिक)

मरुगु अःभारतं बिजुली छायो महः सेलीं औद्योगिक क्षेत्रय् चान्हय् प्यथौ लोडसेडिड जूगु खाँ कुल दिसे वयकं न्हिया न्हिथं भ्रष्टाचारया बुखाँ प्याहाँ वयो च्वागु नपां ललिता निवास, थैं हितीया कमल पुखु भौखेलया बारय् व्यक्तिया नामय तयकपुं मालपोत कार्यालयया व गुथि कार्यालयया पदाधिकारीत दोषी खः । खपया च्वडापाया रानीपुखु डेरी २०४०/४१ सालय् नेपाली सेनाया नामय दर्ता यागु अः सार्वजनिक यायमः धायो दिल ।

ज्या इवः या सभानायो नपां खप नगरपालिकाया प्रमुखसुनिल प्रजापति जुं च्याचा गुन्हु न्ह्याइगु बिस्का जात्रा द्वलद्व मनूतय्सं स्वःवडगु सञ्चारमाध्यमं हलिमय ब्याकः क्यनिगुलिं सभ्य, भव्य काथं डायकेगु भी फुक्कसिया मंकः जिम्मेवारी खः धायो दिसे थजगु नखा-चखा छाय् डायके मः धायगु न्हैंगु पुस्ताता ब्याकय्ता स्थानीय पाठ्यक्रम दयक छगु निसें च्यागू तःगिं तक ब्वंकय् बियागु सम्पदात ल्यंकः म्वाकः ल्हवडः वयागु नपां मदिरा जन्य पदार्थ जात्रा जुइथाय् मिडिके मबियागु खाँ ब्याक दिल ।

भक्तपुरया प्रमुख जिल्ला अधिकारी जुं जात्रा ब्यवस्थित याय्ता सुरक्षा निकाय पाखं मः काथं तयारी याडागु खाँ काडः दिलसा गुथि संस्थान भक्तपुरया प्रमुख खिमा ओलीं मः काथं जात्रा डायकेता ब्यवस्था याडा काथं सकलसिनं ग्राहाली बिडगु आशा

## बिस्का जात्रा



च्याचा गुन्हु डायकिगु इतिहासिक व धार्मिक महत्वया बिस्का जात्राया न्हपांगु दिनसं खपया तः मही भैलखः लुल ।

## सुभाय् देछाल

खप नगरपालिका वडा नं. द या मचो भैरव देगःया दक्षिण पाख्यया ल्हवनय्कानय् यागु फल्चाया उपभोक्ता समिति व अनुगमन समितिया पदाधिकारी पिन्ता सुभाय् देछायो दिसे प्रमुख सुनिल प्रजापति आना हे भायो स्वयोदिल ।



याडः दिल ।

खप नगरपालिकाया वडाध्यक्षपुं योगेन्द्र मान बिजुक्षुँ (५) व रविन्द्र ज्याख्व (९) नं न्वचु तयो द्यूगु खः ।

ज्याली न्ह्याकय हाँ वडाध्यक्ष पुं रविन्द्र ज्याख्व(९), कृष्ण प्रसाद कोजु(द) पिसं दतात्रय व उप प्रमुख रजनी जोशी व वडाध्यक्ष श्याम कृष्ण खत्री (१) जुं इनागालय् न्वचु तयो द्यूगु खः ।

ज्यालीसं सुरक्षाकःमि, स्काउट, कासामिपुं स्वास्थ्यकःमि, सहकारी कःमि रेडक्रस, शिक्षक, विद्यार्थी, सामाजिक संस्थात, बाजाखलः, युवा, किसान, मजदुर, कर्मचारी, ब्यवसायी, जनप्रतिनिधिपुं व कार्यालय प्रमुखपुं अपलं भःगु खः ।

## स्थलगत निरीक्षण

चैत्र २५ जाते



खप नगरपालिकाया प्रमुख सुनिल प्रजापतिया न्ह्यलुवाय सुरक्षा निकायया प्रमुखपुं व स्वापु दःपुं मुडः बिस्का जात्रा न्ह्याकिगु थासय् भायो स्वयो दिल ।

## बाजा पिदान

चैत्र २४ जाते

भैरवनाथ सांस्कृतिक समूहपाखं स्पंगु मुहालीं बाजा पिदांगु ज्या इवःसं नगर प्रमुख सुनिल प्रजापति भायो द्यूगु खः ।

सचिव स्वीकृत खप पौ, बःछि पौ(पाक्षिक)

## मेलम्चीया त्वनयगु नाः या बिषय खल्हाबल्हा



खानेपानी मन्त्रालयया मा. मन्त्री राजेन्द्र कुमार राईया नायो सुई लिपाथ्यंकः थुगु योजना गथे तातुक हछ्यायगु धायगु खाँ जूगु बैठकसं नेपाल मजदुर किसान पार्टीया छ्याउज्जे नपां सांसद प्रेम

### खपय बाल विकास क्लव



टोखाया बाल विकास क्लवया प्रतिनिधि मण्डल खप नगरपालिकाय् वयो प्रमुख सुनिल प्रजापति नपां खल्हाबल्हा यात।

### निरीक्षण



खप नगरपालिकाया प्रमुख सुनिल प्रजापति जुं सहिद स्मृति बाल उद्यानया उत्तर पाख्य च्वांगु, १७ लाख बजेट छख्य लिइकगु फलचाय् जनश्रमदानं पोलहं चिड च्वथाय् स्वः भाल।

सुवालं योजना लिपालाक च्वांगु नपां आना जुगु भष्टाचारया छानविन जुयमःगु, उकिया पलिसा मेगु, ना: छैंत मालय मःगु, खाँ जूथे ज्या मजूगु, चिच्या चिच्याहांगु आयोजनाय् नपां विदेशीया भर कायो च्वंसा उपनिवेश जुइगु नपां स्वनिगलय् अपलं मनूत च्वाँ वसेलिं प्रदुषण, ट्राफिक जाम जुगुलिं थुकिता पानय् मः धायोदिल।

अथेहे खप नगरपालिकाया प्रमुख सुनिल प्रजापति जुं विदेशी धेबां विकास यायगु मतिं दे हज्याय फैमखु। देया गौरवया योजनात राज्यं हे न्यायकःय् मःगु स्थानीय स्रोत ल्यंकः स्थानीय पालिका नपां मिलय जुयो ज्या सानय् मःगु खाँ काडः दिसे खपय पुलांगु पाइपं हे मेलम्चीया नाः इडः बियो च्वांगु खाँ ब्याकसे बसाई सराई पानय् मः धायोदिल।

थुगु ज्या इवः सं स्वनिगःया थीथी नगरपालिका प्रमुख, गा.पा.या अध्यक्ष व राजनीतिक कार्यकर्ता पिसं थःथःगु विचः प्वंकगु खः।

### सुचुकुचु

चैत्र २८ ज्ञते



खप नगरपालिकाया गवसालय खपया लोकं हवागु विस्का जात्राया लसताय खलानिसैं योसिंख्य तक सुचुकुचु यायगु इवलय नगर प्रमुख सुनिल प्रजापतिजुं लोकं हवागु भीगु जात्रा प्रतिस्थाया खाँ जुगुलिं सभ्य भव्य काथं डायके मःगु नपां त्वालय-त्वालय जुइगु जात्रा नं स्थानीय पिसं बालाक डायके मः धायोदिल।

अथेहे वडाध्यक्ष रविन्द्र ज्याख्व (९) जुं देशं दुनय व देशं पिनयया पर्यटकपुं स्वः भाइगुलिं थः थः गु थासं सुचुकुचु याय् मः धायोदिल।

सुचुकुचु ज्या इवः सं नगरपालिकाया जनप्रतिनिधिपुं, कर्मचारीपुं व स्थानीय वडाबासीपुं भःगु खः।

ख्वप नगरपालिकाया प्रमुख सुनिल प्रजापति जुँ नगर प्रहरी

पिन्ता मार्ग निर्देशन

(२०८० चैत्र १४ गते)



ख्वपया बिस्का जात्रा बांलाक हानयता बैठक

(२०८० चैत्र १५ गते)



ख्वप अस्पतालया स्वास्थ्य कःमि पिनिगु मिन्तुना कालबिल ज्या इवः

(२०८० ईत्र १७ गते)



सहकारी कःमिपिन्ता लाँपु क्यडः दिसे नेमकिपाया नायो भाजु बिजुक्खैं

(२०८० ईत्र २० गते)

